

Emirembe Omusanvu Egy'Ekkanisa

Essuula Eyoomukaaga

Omulembe Gw'ekkanisa Ya Suwatira

Okubikkulirwa 2:18-29

"Era eri malayika ow'ekkanisa ey'omu Suwatira wandiika nti; Bw'Ati bw'Ayogera Omwana wa Katonda, Alina amaaso agalinga ennimi z'omuliro, n'ebigere Bye ebifaanana ng'ekikomo ekizugule,

Nti 'Mmanyi ebikolwa byo n'okwagala n'okukkiriza n'okuweereza n'okugumiikiriza kwo, n'ebikolwa byo eby'oluvannyuma nga bingi okusinga eby'olubereberye.

Naye Nnina ensonga ku ggwe, kubanga oleka omukazi oli Yezeberi, eyeeyita nnabbi; n'ayigiriza n'akyamya abaddu Bange okwendanga, n'okulyanga ebyaweebwa eri ebifaananyi.

Era Nnamuwa ebbanga okwenenya; n'atayagala kwenenya mu bwenzi bwe.

Laba Mmusuula ku kiriri, n'abo abenda naye mu kubonaabona okungi, bwe bateenenya mu bikolwa bye.

Era n'abaana be ndibatta n'olumbe; ekkanisa zonna ne zitegera nga Nze Nzuuyo akebera emmeeme n'emtitima: era Ndiwa buli muntu mu mmwe ng'ebikolwa byammwe bwe biri.

Naye mmwe mbagamba abaasigalawo ab'omu Suwatira bona abatalina kuyigiriza kuno, abatamanyi bya buziba bya Setaani, nga bwe boogera; sibateekako mmwe mugugu mulala. Wabula Kye mulina mukikwatenga okutuusa lwe Ndijja.

Era awangula n'akwatanga ebikolwa Byange okutuusa ku nkomerero, oyo Ndimuwa amaanyi ku mawanga:

Era alibalunda n'omuggo gw'ekyuma; ng'ebibya by'omubumbi bwe byatikayatika; era Nange nga bwe Nnaweebwa Kitange:

Era Ndimuwa emmunyeenyey ey'enkyo.

Alina okutu, awulire Omwoyo ky'Agamba ekkanisa."

Suwatira

Mu byafaayo, ekibuga Suwatira kye kyali kisingayo okuba ekya wansi mu bibuga byonna omusanvu ebiri mu Kubikkulirwa. Kyali kisangibwa ku nsalo za Mysia ne Ionia. Kyali kyetooloddwa emigga mingi, naye nga gjijudde ebinoso. Ebintu ebyasinga okumanyisa ekibuga kino bwali bugagga bwakyo olw'abeegassi, ababumbi, abawazi b'amaliba, abalusi b'engoye, abafumbi b'engoye mu langi, abakozi b'amaganduula n'ebirala. Ky'ekibuga, Ludiya eyatundanga engoye ez'effulungu mwe yava. Ye yali omuntu Pawulo gwe yasooka okukyusa mu Bulaaya.

Ensonga Iwaki Omwoyo Yalonda ekibuga kino ng'ate kye kyalimu ebintu eby'omwoyo ebyetaagisa okuba mu mulembe ogwokuna yava ku ddiini yaakyo. Eddiini eyali esinga okuba enkulu mu Suwatira ye y'okusinza Apolo Tyrimnaios eyali egatiddwa ku kibiina ekyasinzanga kabaka. Apolo ye yali katonda njuba era ye yali addirira kitaawe Zewu mu buyinza. Yali amanyiddwa nga "awugula obubi"; ye yali avunaanyizibwa ku by'amateeka g'eddiini n'okutangirira (engeri z'okutangirira n'okutereeza ebisobye oba emisango). Plato yamwogerako, "Annyonnyola abantu enkola z'amasinizo, saddaaka, n'okuweereza bakatonda ng'oggyeeko obulombolombo obukwata ku kufa n'obulamu obw'oluvannyuma." Yategeezanga bye yali amanyi ku "by'omu maaso" n'entegeka za kitaawe eri abantu ng'ayita mu bannabbi ne mu kubuulira. Mu Suwatira akalombolombo kano kaakolebwanga nnabbi omukazi eyatuulanga ku ntebe ey'amagulu asatu (3) n'alyoka awa obubaka nga lubaale alinnye ku mutwe.

Amakanda g'eddiini eno gaali ga nkukunala. Obuyinza bwayo obw'ekitalo tebwesigamizibwa ku ebyo byokka eby'ekyama, naye bwesigamizibwa ku mazima nti tewali yali ayinza kuba mu bibiina biri ebyegassi mwe baatambulizanga obulamu bwabwe mu by'enfuna, okuggyako ng'amanyiddwa nti yeetaba mu kusinza mu kkunngaaniro lya Apolo. Omuntu yenna eyagaananga okwenyigira mu kusinza ebifaananyi n'ebinyumu omwakolerwanga obukaba, yagobebwanga oba yaziyizibwanga okuyingira mu bibiina by'obwegassi ebyo eby'omu kyasa ekyasooka. Okusobola okubeera awamu n'abantu mu mbeera eza bulijjo awamu ne mu busuubuzi omuntu nga kimugwanira okuba nti yeenyigira mu bikungo ebyo eby'okusinza ebifaananyi.

Kisaanye kimanyibwe nti erinnya lyennyini Suwatira litegeeza "Ekikazi ekifuga." Kale omulembe guno

gwali gujjudde amaanyi agafuga, amaanyi agalumba n'obukambwe buli kimu, ne gawamba byonna era mu buli ngeri ne gafuga. Kati ekitaki ekifuga ky'ekikolimo ekisingayo obunene mu nsi. Omusajja akyasingiddeyo ddala obugezi mu bona mu nsi yali Sulemaani era yagamba nti

"Nnakyuka, omutima gwange ne ngukakasa okumanyanga, n'okunenyanga, n'okunoonyanga amagezi n'ensonga z'ebigambo, n'okumanyanga ng'obubi busirusiru, era ng'obusirusiru ddalu:

ne ndaba ekigambo EKIBALAGALA OKUSINGA OKUFA YE MUKAZI, omutima gwe byambika n'ebitimba, n'emikono gye giringa enjegere: buli asanyusa Katonda alimuwona; naye ALINA EBIBI alikwatibwa ye.

Laba, kino kye nnalaba, bw'ayogera Omubuulizi nga nteeka ekigambo ekirala ku kirala okunoonya ensonga emmeeme yange ky'ekyanoonya, naye sinnakiraba, omusajja omu mu lukumi gwe nnalaba; naye omukazi mu abo bona gwe ssirabanga."

Omubuulizi 7:25-28.

Pawulo yagamba,

"*Omukazi mmugaanyi okuyigiriza wadde OKUFUGANGA.*"

Okuva mu Lusuku Adeni okweyongerayo, omukazi abaddenga alubiirira era n'atuukiriza eky'okufuga omusajja, era kati ensi yonna ya mukazi ng'eri ne katonda omukazi owa Amerika nga ye mukazi ali obukunya. Ng'ekifaananyi eky'omukazi kigwa okuva mu bire, (jjukira emikono gye gyali mitayimbwa) nga kiraga empisa ez'Omulembe ogwasooka oba Efeso, kale amaanyi ge gakuze okutuusa lw'afunye obuyinza obwo nga buva ku ngeri y'ekyuma gye yeeyisaamu.

Naye omukazi teyatondebwaa kuba na bufuzi bwa kyuma. Okusinziira ku Byawandiikiba Ebitukuvu, atekwa kuba ng'agondera musajja. Ekyo kiragiyo gy'ali. Omukazi omutuufu, ebikazi byonna, bya kweyisa bwe bityo. Si kiwempe kya mu mulyango. Tewali musajja wa nnamaddala afuula mukazi kiwempe kya mu mulyango. Wabula ajja kubeera wansi wa bufuzi so si kufuga musajja, kubanga omusajja gwe mutwe gw'ennyumba. Bw'amenya (omukazi) ekifaananyi ekyo Katonda kye Yamukolera aba ayonoonese. Omusajja yenna aleka omukazi n'afuga naye aba amenye ekifaananyi ekyo era naye bw'atyo aba mwonoonefu. Eyo y'ensonga Iwaki omukazi TAYINZA KWAMBALA EBYO EBY'OMUSAJJJA OBA OKUSALA ENVIIRI ZE. Si wa kwambala ngoye za musajja oba okusalako enviri ze. Bw'akikola aba yeeyingiza mu bufuzi bw'omusajja ng'awamba era nga yeeyamya. Era omukazi bw'alumba ekituuti ate nga KYALAGIRWA NTI TATEEKWA KUKIKOLA, aba alaga mwoyo ki gw'alina. Okubeera omukazi afuga kya bulabe eri Kristo era ensigo za Ekereziya y'e Rooma Enkatolika ziba zimulimu wadde kino ayinza okukyegaana n'okusambagala n'asambagala. Naye bwe GUTUUKA KU KIGAMBO, Leka Katonda Abe wa mazima na buli kigambo kya muntu bulimba. Amiina.

Leka tuddeyo ku ntandikwa. Mu kutondebwaa kw'ebintu ebirabika okwasooka nga bwe tukumanyi leero, Katonda Yakola ebintu bibiri bibiri: ekisajja n'ekikazi. Waaliwo enkoko bbiri — empanga n'enseera. Waaliwo ente bbiri, ennume n'enduusi. Era n'okweyongerayo ddala wansi. Naye bwe gwatuuka ku muntu, waaliwo omu yekka. Tebaali babiri. Adamu yali akoleddwa mu kifaananyi kya Katonda. Yali mwana wa Katonda. Ng'omwana wa Katonda yali tasobola kukemebwa n'agwa. Ekyo kyandibadde tekisoboka. Kale Katonda Yakozesa ekyava mu muntu okuleeta okugwa. Omukazi teyagwa butereevu kuva mu mukono gwa Katonda ng'ekintu kyennyini ekyakolebwa Katonda. Yaggyibwa mu musajja. Era Katonda bwe Yamuggya mu musajja yalina enjawulo nnene nnyo okuva ku bikazi ebirala bye Yali Atonze. Yali asobola okusendasendebwa. Tewali kitonde kirala kyonna kikazi kisobola kuba kikaba; naye omuntu omukazi asobola okukwatibwako kumpi ekiseera kyonna.

Era obunafu obwo obumulimu bwakkiriza Setaani okumusendasenda ng'ayita mu musota era buleetedde omukazi okuba mu kifo ekyawufu mu maaso ga Katonda n'Ekigambo Kye. Omukazi kabonero ka bintu byonna ebigwagwa, ekinyoomebwa ku ludda olumu, so nga ku ludda olulala omukazi ky'ekifaananyi ky'ebintu byonna ebiyonjo era ebirungi, era ebitukuvu era ekibya ekitereka Omwoyo wa Katonda n'emikisa Gye. Ku ludda olulala ayitibwa omwenzi atamidde omwenge gw'obwenzi bwe. Ku ludda olumu ayitibwa Mugole wa Kristo. Ku ludda olumu ayitibwa Kyama Babulooni, eky'omuzizo mu maaso ga Katonda; ate awalala ayitibwa Yerusaalemi Ekiggya, nnyaffe. Ku ludda olumu mubi nnyo, mwonoonyi nnyo era mugwenyufu nnyo ne ku nkomerero ky'ava asuulibwa mu nnyanja ey'omuliro nga ky'ekifo kyokka ekimusaanidde; ate ku luuyi olulala agulumizibwa mu ggulu, ng'agabana ne Katonda nnamulondo ye nga ky'ekifo kyokka ekisaanidde nnaabakyala ng'oyo.

Era mu kkanisa y'omu mulembe guno ogwa Suwatira ye MUKAZI AFUGA. Ye kye kyama Babulooni. Ye mwensi ow'ekitalo. Ye Yezeberi nnabbi: omukazi ow'obulimba. LWAKI? Kubanga ekikazi ekituufu kigondera Katonda. Kristo ye mutwe gwe. Talina kigambo kikye ku bubwe wabula ekya bba, talina kirowoozo kirala okuggyako ekya bba, talina bukulembeze okuggyako obw'Oyo. Naye ate ekkanisa eno yo eri etya? Esudde ebweru Ekigambo, ezikirizza Bayibuli n'ebiwandiiko ebisaanidde eby'abatya Katonda. Etemudde

abo ababaddde ab'okubuulira amazima. Esudde bakabaka, abalangira n'amawanga — efuga amagye era ng'ekalambiza empaka nti yo gwe mubiri gwa Kristo omutuufu nti era ba ppaapa be basigire ba Kristo. Yonna yonna esendeddwasendeddwa Setaani ekivuddemu efuuse esendasenda abalala. Eyo ye mugole wa Setaani era ezadde amadiini nga be baanaabeeboolereze.

Mu Mirembe gyonna egy'Ekizikiza y'ebadde efuga. Okusukka mu myaka lwenda (900) enyaze n'ezikiriza: Yatta ebiyigiriziba, n'ezikiriza ebya ssaayansi, n'etavaamu kantu konna okuggyako okufa okutuusa omusana gw'amazima kumpi gwonna bwe gwagenda ne wasigalawo kamunyeenya. Amafuta n'omwenge kyenkana byali birekedde awo okukulukuta; naye wadde ye yali ku ntikko mu bwakabaka bw'omu nsi era n'esaba nti abantu bona obutuuze bwabwe obw'amawanga babufune oba babusange mu yo, waaliwo akabiina akatono akaali aka Katonda era ako obutuuze bwako bwali mu ggulu, abo bo yali tesobola kubazikiriza. Katonda yakuma akasibo ke akatono; tebaasoboka kuttibwa. Ekkanisa eno eya Rooma yali nkaafiri era nnyonoonyi nga Nnaabakyala Asaliya eyagezaako okuzikiriza ensigo ennangira era katono akituukirize, naye KATONDA YEEREREKAWO OMU era okuva mu ye ne wajjavo abalala abeesigwa. Kale Katonda Yeeterekerawo ekisibo ekitono mu kiro eky'enzikiza era okuva mu mazima gaabwe ku nkomerero n'esitukayo Luther.

Omuntu yenna alina ekintu ky'amanyi ku Ekereziya y'e Rooma Enkatolika n'engeri y'ensinza yaayo asobola okwogera Iwaki ekibuga kino ekya Suwatira Omwoyo Yakironda okubeera ekifaananyi ky'ekkanisa mu Mirembe egy'Ekizikiza. Ky'ekyo wennyini mu maaso gaffe.

Omulembe

Omulembe gwe Suwatira gwegwasingayo okuba omuwanvu mu gyonna gwamala emyaka nga lwenda (900) okuva mu606 okutuuka mu 1520.

Omubaka

Ekkanisa yali emaze ebbanga ggwanvu ng'eyawukanyeemu ebitundu bibiri, eky'ebugwanjuba n'Eky'ebuvanjuba. Buli kaseera waasitukangayo omuddaabuluzi okuva ku ludda olumu kw'ezo obo zombi era n'akulembera abantu okugenda mu buziba mu nkolagana ne Katonda okumala akabanga. Mu Bugwanjuba omusajja oyo yali Francis ow'omu Asiisi. Mazima okumala ebbanga byamugendera bulungi naye omulimu gwe ne gussibwa wansi w'obufizi bwa Rooma. Peter Waldo ow'omu Lyons, omusuubuzi eyalekayo obulamu bwe obwa bulijo, yeenyigira mu kaweeufube w'okuweereza Mukama era n'asika bangi okugenda gy'Ali; naye emirimu gye ppaapa n'agirinnymu eggere era n'amugoba. Mu bibiina eby'enjuuyi zombi, mu Buvanjuba ne mu Bugwanjuba nga weetegerezza okusinziira ku Byawandiikibwa teyaliiyo muntu asobola kuba mubaka eri omulembe guno. Wabula ate, waaliyo abasajja babiri mu bizinga bya Bungereza, ng'obuwereza bwabwe mu Kigambo ne mu bikolwa busobola okuyita obo okuyimirirawo bwe bugezesebwa obo bwe bupimibwa n'amazima. Baali omutukuvu Columba n'omutukuvu Patrick. Omutukuvu Columba akalulu gwe kaagwako ak'okubeera omubaka.

Newankubadde ng'omubaka eri omulembe gwa Suwatira yali Columba, njagala njogerekoyatono ku bulamu bw'omutukuvu Patrick ng'eky'okulabirako gye tuli era nzigyeo n'obulimba ku Rooma by'egamba mbu omutukuvu Patrick yali omu ku bo mu ngeri y'emu nga Joan awa Arc bw'ataali. Patrick yazaalibwa mwannyina w'omutukuvu Martin mu kabuga akatono akayitibwa Bonavem ku mbibiro z'omugga Clyde.

Lumu bwe yali ng'azannyira ku lubalama ne bannyina babiri, abanyazi b'oku nnyanja ne bamuseemberera ne babawamba bonsatule. Bannyina gye baalaga, tewali amanyi, naye Patrick (erinya lye yali Succat) yaguzibwa omukulu w'eggwanga ly'omu Northern Ireland. Omulimu gwe gwali gwa kulunda mbizzi. Kino okusobola okukikola yatendeka embwa. Embwa ze zaatendekebwa bulungi nnyo abantu ne bava okumpi n'ewala okujja okuzigula. Mu kiwuubaalo kye yakyukira Katonda n'alokoka.

Olwo ne waggyawo okuyaayaayana okw'amaanyi ng'ayagala okutoloka adddeo mu maka ga bakadde be. Yakola entegeka eyateeka obusobozi bwe ng'omutendesi mu mulimu ogw'ekitalo. Yayigiriza embwa okumugalamirako ne zibikka omubiri gwe n'obwegendereza era ne ziteenyeenya okutuusa nga ziragiddwa. Kale lumu mukama we bwe yatunda embwa eziwerako, Patrick yaduumira embwa zonna ng'oggyeeko eyali ezikulembera, okuyingira mu lyato. Embwa enkulembeze olwo n'agikolera akabonero mu kyama n'edduka n'egaana okulinnya eryato. Nga mukama wa Patrick n'omuguzi bagezaako okulinnyisa embwa, Patrick yalinnya eryato embwa n'azikolera akabonero ne zimubikka. Olwo yakozesa oluwa n'ayita embwa enkulembeze okulinnya eryato n'erinnya n'emubeera waggulu. Patrick nga bwe yali talabika omuguzi w'embwa yawanika ettanga n'asaabala ennyanja.

Ng'amaze okukakasa nti Kapitaani (omugoba w'eryato) atuuse wala nnyo gye yali tasobola kuva adddeo gye yali aguze embwa, Patrick yakolera embwa akabonero akalala akaaziragira okwegugunga. Olwo n'avaayo n'agamba Kapitaani nti bw'atamuteeka waabwe ku lubalama yali agenda kulagira embwa zigende mu maaso n'okwegugunga, ye awambe eryato.

Naye Kapitaani yali Mukulisitaayo, era olwawulira ebyafaayo by'obulamu bw'omulenzi yakyamya

eryato ku lubalama n'essanyu n'amuteeka ewaabwe. Eyo Patrick yagenda mu ssomero lya Bayibuli n'akomawo mu Ireland gye yawangulira enkumi z'abantu okudda eri Mukama ng'akozesa Ekigambo kya Katonda mu bubonero obungi n'ebyamagero. Tewali mulundi n'ogumu lwe yagendako e Rooma era teyaweebwako biragiwo kuva Rooma. Amazima gali nti Rooma bwe yasimba ekigere ku kizinga era bwe baalaba nga mu kiseera ekyo bafunye akakisa batte Abakulisitaayo abaasukka mu 100,000 abaali bakuze okumala emyaka nga basibuka mu kibiina ekyasooka ekyajja eri Mukama okuyita mu Patrick.

Oluvannyuma lw'emyaka nga 60 (nkaaga) nga Patrick amaze okufa, Columba yazaalibwa mu Ssaza lye Donegal, Mu bukiika kkono bwa Ireland mu lulyo olulangira olwa Fergus. Yafuuka omuyizi omugezi ennyo era omumalirivu, ng'akwata Ebyawandiikibwa ebisinga obungi. Katonda Yamuyita n'eddoboozi erya nnamaddala eriwulikika abeere omuminsane. Ng'amaze okuwulira eddoboozi lya Katonda, tewali kyali kiyinza kumuziyiza, era obuweereza bwe obwamagero ab'ebyafaayo bangi baabuggerageranya n'obw'Abatume. Obuweereza bwe bwali bwa kitalo nnyo omwali ebyamagero n'obubonero abamu (n'addala abayizi mu Rooma) ne balowooza n'okulowooza nti ebyawandiikibwa ku Columba byasavuwazibwa busavuwazibwa.

Mu lumu ku nngendo ze ez'ekiminsane, bwe yali ng'asemberera bbugwe w'ekibuga, yasanga enzigi zimuggaliddwa. Yayimusa eddoboozi lye mu kusaba Katonda, Katonda Abiyingiremu Amuyambe atuuke mu bantu alyoke abuulire. Bwe yali ng'asaba, abalogo b'omu mbuga ne batandika okumukijjanya n'okumuyeeyereza mu maloboozi aga waggulu. Olwo yatandika okuyimba Zabbuli. Bwe yali ayimba, Katonda n'Ayimusa nnyo eddoboozi lye amaloboozi g'abakaafiiri ne gabuutikirwa. Amangu ago enzigi ne zibanduka ne zeggula zokka. Yayingira n'abuulira enjiri, n'awangula bangi okudda eri Mukama.

Omulundi omulala era bwe yaggalirwa aleme okuyingira mu kyalo ekimu bwe yakyuka agende, mutabani w'omwami w'ekyalo amangu ago n'akwatibwa obulwadde obw'amaanyi kumpi kutuuka kufa. Omutukuvu Columba mangu ddala yanoonyezebwa ne bamuyita addeyo. Bwe yasaba okusaba okw'okukkiriza omulenzi amangu ago n'awonerawo. Olwo ekyalo ne kiggulwawo Enjiri n'ebuulirwamu.

Enjiri etaliiko kamogo gye yabuulira Columba ne bakozi banne yasaasaanira Scotland yonna, n'erikyusa okudda eri Katonda. Yabooga n'okubooga n'etuuka mu Ireland n'egenda ne mu bukiika kkono obwa Bulaaya. Engeri gye yasaasaanyangamu Enjiiri yali emu ku ezo abantu nga kkumi na babiri nga bakulemberwa omuntu omu bwe baagendanga mu kifo ekipya ne bazimbira ddala ekibuga ku musingi gw'Enjiiri. Mu basajja bano ekkumi n'babiri mwabangamu ababazzi, abasomesa, ababuulizi, n'abalala, nga bona bamanyi bulungi Ekigambo era ng'obulamu bwabwe butukuvu. Ensi yaabwe eno yali yeetooloddwa ekisenge. Mangu ekisenge kino kyetoolowlanga abayizi n'ab'amaka gaabwe mu mayumba gaabwe, nga bayiga Ekigambo era nga beetgeeka okufuluma bagende baweereze Mukama ng'abaminsane, abakulembeze, n'ababuulizi. Abasajja baalina eddembe okuwasa wadde bangi kubo tebaakikola, basobole okuweereza Katonda okusingako. Tebaafunanga buyambi bwonna bwa ggwanga ekyo ne kibayamba obuteenyigira mu byabufuzi. Mu kifo ky'okulumbanga amadiini amalala baayigiriza amazima kubanga bakkiriza nti amazima kyali kya kulwanyisa ekyali kisobola okutuukiriza ebyo Katonda bye Yali Abategekedde. Tebeesigamako ku Rooma n'akatono.

Omutukuvu Columba ye yatandikawo essomero lya Bayibuli ery'ekitalo ku kizinga Hy (ekyesuddeko akabanga okuva ku bukiika obwa kkono obw'amaserengeta ku lubalama Iwa Scotland). We yagenderayo ekizinga kyali kikaluu nnyo nga kya njazi nga tekisobola kulimibwako na mmere ebamala bona. Naye Columba ensigo yazisiganga bw'asaba. Leero ekizinga ekyo kye kimu ku bisinga okuba ebigimu mu nsi. Okuva mu kizinga kino ekyali kiyimiridde ku Njiri mwavaamu abayizi ab'amaanyi abaalina amagezi n'amaanyi ga Katonda.

Bwe nnasoma ebyafaayo by'omuweereza wa Katonda ono ow'ekitalo n'omulimu ogw'amagero gwe yakola, kyennyamiza omutima gwange okulaba nti obuyinza bwa ppaapa nga buyaayaanira okuteeka wansi w'obufuzi bwe abantu bona, bwajja ne bwonoona eby'abaminsani ne buzikiriza amazima nga bwe gaabuulirwa Columba.

Okulamusa

Okubikkulirwa 2:18,

"Bw'Ati bw'Ayogera Omwana wa Katonda Alina amaaso agalinga ennimi z'omuliro n'ebigere Bye ebifaanana ng'ekikomo ekizigule."

Okubikkulirwa kw'Obulamba bwa Katonda mu Mulembe gwa Suwatira kuli nti Yesu Ye Mwana wa Katonda. Lumu mu nnaku Ze ng'Ali mu mubiri Yamanyibwa ng'Omwana w'Omuntu. Naye okuva olwo tetukyamumanyi ng'ow'omubiri. Takyali Mwana wa Muntu, Nnabbi ow'Ekitalo, Oyo eyekunngaanyizaamu obunnabbi bwonna. Oyo Yekka eyazaalibwa yaddayo mu kifuba kya Kitaffe. Kati tumumanyi luvannyuma lw'amaanyi g'okuzuukira. Yazuukira era Yeddiza amaanyi Ge era Ali waggulu wa bona era Afuga bona ettendo n'ekitiibwa bidde gy'Ali. Ekitiibwa Kye talikigabana na mulala. Obukulembeze Bwe mu kkanisa tagenda kubulekera muntu yenna.

Atunuulira Suwatira, ng'Ayima waggulu, era wano mu kibuga ekyo Alaba era mu mulembe ogwo ogwokuna ekitiibwa ekikye ku bubwe Yekka nga kiteereddwa ku muntu omulala. Amaaso Ge gaakaayakana n'omuliro n'obusungu bw'okulamula ng'Alaba Apolo asinzibwa ng'Omwana wa Katonda, ate nga Ye Yekka Eyazaalibwa Kitaffe. Okulamula Kwe nga kwa ntiisa ku ddiini y'Omulembe gwa Suwatira omusangibwa ng'abakkiriza bona kkanisa okufaanakanako ng'abakaafiiri abaasinzanga katonda w'enjuba (Apolo omwana wa Zewu), bateeka omuntu omufuzi ku ddaala lye limu ery'okusinzibwa nga bawagirwa obuyinza bw'eggwanga. Kubanga ekyo kyennyini kye Yalaba. Ekereziya y'e Rooma Enkatolika, ng'eggweeredde mu kusinza ebifaananyi nga beesigama ku bulombolombo bwa katonda njuba (Apolo) baali batadde omuntu ku ddaala lyennyini okumufuula katonda (ppaapa) nga bayita mu kufumbiza ekkanisa eri eggwanga. Kubanga Thomas Aquinas ne Alverus Pelagius baayiya ne bagamba nti "ppaapa eri abo abamutunuuliza amaaso ag'omwoyo, talabika nga muntu wabula Katonda. Obuyinza bwe tebuliiko kkomo. Asobola okulangirira ekintu ky'ayagala nti kituufu era asobola okujja eddembe ku bantu abalala bona ye nga bw'aba alabye nti kisaanidde. Okubuusabuusa amaanyi gano ag'ensi yonna omuntu kimuviram u okuggalirwa ebweru w'obulokozi. Abo abakyamu abatajja kwambala kikoligo ekituufu eky'obulize be balabe b'ekkanisa abakulu."

"Waliwo omutabaganya omu wakati wa Katonda n'abantu, omuntu Kristo Yesu (Omwana wa Katonda),"

I Timoseewo 2:5.

Naye ppaapa w'e Rooma akyusizzaEkigambo. Yakifuula, "omutabaganya omu wakati wa Katonda n'omuntu (si bantu)." Kale kati atabaganya wakati w'omutabaganya n'abantu. Naye tewali mutabaganyamulala okuggyako Omwana. Ppaapa obulokozi abulangirira ng'ayita mu Ekereziy'e Rooma. Wabula tewali bulokozi okuggyako okuyita mu Mwana wa Katonda. Kyovaolaba ng'amaaso gaakaayakana mu kulamula okukambwe. Kyova olaba nti ebigerebiringa ekikomo ekizigule ng'Ayimiridde Yeetegese okulinnyirira Amulunguleobwakabaka bw'ensi eno obwonoonyi bufuuke olufufugge. Katonda Yeebazibweolw'ebigere ebyo eby'amaanyi eby'ekikomo ekizigule. Biyise mu kulamula kulwaffe. Kaakati byo gwe musingi kwe tuli kubanga bye Yafuna bye byaffe. Tuyimiridde nga tulabikira mu Ye, Yesu Omwana wa Katonda

Mu mulembe guno mwe tulabira entandikwa obugoberezi bwa Muwamadi obwawakanyanga Omwana wa Katonda era ne bumalirira okutta abo bona abeeyita Abakulisitaayo.

Era kyali mu mulembe guno nti ekkanisa ey'obulimba mwe yatyoboolera ekiragiro kya Katonda Ayinza Byonna ekisooka era n'eggulawo mangu olatalo mu kumenya ekiragiro ekyokubiri kubanga yateeka ppaapa waayo mu kifo kya Yesu Kristo n'enyweza era n'ewaliriza okusinza ebifaananyi okutuusa n'okuba nti abo abaagaana okukkiriza ebifaananyi bibeere mu kkanisa baalinanga kuttibwa. Mu bufuzi bwa kabaka omukazi Theodora bwokka, okuva mu mwaka 842 okutuuka mu mwaka 867 abatukuvu abaasukka mu mitwalo ekkumi battibwa kubanga ebifaananyi tebabibala kubaamu mugaso.

Ddala omulembe guno guteekwa kwenenya oba si ekyo gufirwe byonna. Oyo Mukama Ow'ekitiibwa, Katonda yennyini Katonda — Ekigambo Kye nga kisuuliddwa ku bbali, omuntu we Agaaniddwa, wabula emikono n'emitima gy'abantu tegiyinza kumusuula (kumuvuunika). Leka bamwegaane, Asigala nga mwesigwa. "Temutya ekisibo ekitono, ssanyu lya Kitammwe okubawa obwakabaka. Era bwe Ndijja n'ebigere eby'ekikomo ekizigule n'amaaso agaakaayakana nngenda kuliwa; okulamula kwange, nngenda kusasula," bw'Ayogera Mukama.

Okuwaana

Okubikkulirwa 2:19,

"Mmanyi ebikolwabyo n'okwagala n'okukkiriza n'okuweereza, n'okugumiikiriza kwo, n'ebikolwa byo eby'oluvannyuma nga bingi okusinga eby'olubereberye."

Wano nate tweyongera okusanga ebigambo bye bimu ebyanjula, "Mmanyi emirimu gyo." Omwana wa Katonda, Yennyini, Yagamba, "Munzikirize olw'emirimu gye Nkola." Yateeka essira ku mirimu egigye Ye ng'Ali ku nsi. Emirimu gye Yakola gyateegekebwa Katonda okulunngamya okukkiriza mu Ye. Kyali kitundu kikulu ku buweereza Bwe.

Omwovo We Omukukuvu Yayogerera mu mutume Pawulo

"Kubanga ffe tuli mulimu Gwe, abaatonderwa mu Kristo Yesu olw'ebikolwa ebirungi, Katonda bwe yasooka okuteekateeka ffe okubitambulirangamu."

Abaefeso 2:10.

Emirimu gino gyali gya kulunngamya okukkiriza mu Ye nga bwe gyali nti girina okulaga enkolagana (oluganda) gy'Ali eyo Pawulo Iw'annyonnyolako ng'aluyita "okutonderwa mu Ye."

Kati ebikolwa tebigenda kutwala kifo kya kukkiriza mu Katonda ku Iw'obulokozi bwaffe. Wabula ebikolwa bijja kulaga okukkiriza kwaffe okwateekebwa edda mu Ye. Ebikolwa ebirungi tebigenda kukulokola, naye bijja kuvaayo mu bulamu obulungi obulokole ng'ekibala eri Mukama. Nzirkiririza mu bikolwa ebirungi. Wadde omuntu nga si mulokole, asaanye akole emirimu emirungi era akole nga bw'asabolera ddala. Ekyennyamiza mu maaso ga Katonda be bantu okukola ebikolwa ebibi ate ne bagamba nti bakola Mukama by'Ayagala. Ekyo abalabirizi, bappaapa n'ab'obuyinza mu Rooma kye baali bakola. Battanga, baalemazanga, ne bakola ebibi ebya buli kika mu Linnya lya Mukama. Obulamu bwabwe bwakontanira ddala n'Ekigambo bye kiyigiriza. Mu lunaku olwo olubi abakkiriza abo abatuufu baamasamasa ng'omusana mu kifo eky'ekizikiza nga bwe baagendanga mu maaso okukola obulungi; kubanga bwe baakolimirwanga nga bo basasulamu na mikisa, era ne bakola amazima okuwa Katonda ekitiibwa wadde bangi ekyo kyabattisa.

Mu lunyiriri luno Asema abaana Be kubanga obulamu bwabwe bukyufu. Ebikolwa byabwe byalaga Omwoyo Omuggya Eyali mu bo. Abantu baalaba ebikolwa byabwe ebirungi ne bagulumiza Katonda. Yee ssebo, bw'oba oli Mukulisitaayo ojja kukola ekyo ekituufu. Ebikolwa byo bijja kulaga nti omutima gwo mutuufu. Era tekija kuba kintu ky'oyambala obwambazi, kubanga ojja kukola by'Ayagala nga tewali akulaba okuggyako Katonda, era ojja kukola by'Ayagala wadde kinaakufiiriza obulamu bwo.

"Mmanyi okwagala kwo, emirimu gyo, okukkiriza n'okugumiikiriza." Ojja kukiraba nti okwagala kwabwe kuli wakati "w'ebikolwa" ne "emirimu". Era ekyo ky'ekifo kyakyo ekituufu, kubanga awatali kwagala emirimu gyaffe tegikkirizibwa mu maaso ga Katonda. Pawulo ng'ayogera eri Abakkolinso yagamba, "Awatali kwagala, ssiri kintu era buli kye nkola tekirina magoba okuggyako nga nkikoledde mu kwagala." Kaakati musobola okulaba wano nti abakkiriza bano tebaali mu kibiina ekyo ekyo Nikolayiti abaakolanga emirimu nga y'engeri y'obulokozi oba beegombewa abantu. Baakola emirimu gyabwe kuva mu kwagala kwa Katonda Omwoyo Omutukuvu kwe Yasaasaanya mu mitima gyabwe. Okwagala okwo mu mitima gyabwe kwali kwagala kwa Katonda kw'Alina eri ababe. Yesu Yagamba, "Ku kino abantu kwe balimanyira nti muli bayigirizwa BANGE, bwe munaayagalanganaga." Abakaafiiri abaalaba obulamu bw'Abakulisitaayo abaasooka baagamba, "Laba nga bwe baagalana." Yokaana yagamba

"Buli alina okwagala yazaalibwa Katonda."

I Yokaana 4:7.

Wano njagala ndabule. Ku nnaku ezisembayo kigamba nti olw'okuba obujeemu buliyinga okwagala kw'abangi kuliwola. Mu Lawodikiya, oba omulembe ogusembayo, okweyagala wekka, n'okwagala ebintu ebiggwaawo bigenda kudda mu kifo ky'okwagala okutuufu okwa Katonda. Twetaaga okwekuuma twewale amaanyi g'ekibi mu nnaku zino ezisembayo. Bangi nnyo bakakanyalira ddala lwa kuba tebannategeera mwoyo gwa nnaku envannyuma bye guvaamu. Ky'ekiseera okuseemberera Katonda Ajjuze obulamu bwaffe n'okwagala Kwe, si ekyo tujja kuwulira obunnyogovu bw'ekkanisa y'ennaku envannyuma tugaane amazima ga Katonda" ago gokka agasobola okutuyamba.

Mu myaka ego egy'enzikiza era egy'entiisa omuzabbibu omutuufu gwanyweza okwagala kwagwo okwa Katonda n'okwagala kw'abooluganda. Katonda yabasemba olw'ekyo.

"Mmanyi emirimu gyo." Yesu Yagamba, "Asinga obukulu mu bona ye muweereza wa bona." Omusajja omugezi yayogera ku bigambo ebyo. Kino kye yagamba, "Ebyafaayo byokka bye bijja okukakasa amazima g'ebigambo ebyo." Omusajja oyo yali mutuufu. Abantu bona abatuufu ab'ekitalo mu byafaayo baali baweereza. Abo abaayagalanga okuweerezebwa; abo abaatulugunyanga; abo abaanoonyanga okukulembera, baagwa mu buswavu. N'abagagga ennyo Katonda Abananya nga tebakozesessa bugagga bwabwe mu ngeri entuufu. Naye laba mu byafaayo ojja kusanga nti abo abaali ab'ekitalo abatuufu b'ebu abaawerezanga abalala. Ebyafaayo tebisobola kutendereza abo abaakolerwa ennyo, naye lubeerera bitendereza abo abaakolera abalala ebingi.

Kati leka ekyo tukukozese ku bulamu bwaffe. Era ng'Omwna w'Omuntu bw'Atajja kuweerezebw, wabula Ye okuweereza, tulina okugoberera eky'okulabirako ekyo. Laba bw'Avunnama wansi ku bigere by'Abatume Abinaaze, ebiddugadde era ebikooye. Yagamba, "Temumanyi kye Nkola kaakano naye oluvannyuma mujja kukitegeera. Naye kye mulaba nga Nkola nammwe kibagwanidde okukikola." Yafuuka omuweereza Katonda Asobole okumuyimusa ku ddaala erisembayo waggulu. Era lumu mu kulamulwa kw'abatukuvu tugenda kumuwlira ng'Agamba, "Weebale, OMUWEEREZA omulungi era omwesigwa, yingira mu ssanyu lya Mukama." Bulijjo kizibu okuba omuweereza. Naye abo abawaayo era ne beewaayo ku Iw'abalala lumu balituula wamu naye mu nnamlondo Ye. Tewaliba kuddiza kusinga awo. Ka tumukolere Mukama okuva ku maliiri okuzibya obudde, ka twogere ku kwagala Kwe n'okulabirirwa ebyewuumyisa, Era obulamu bwonna nga bukomye n'emirimu gyaffe ku nsi nga giwedde, Amannya bwe galiiyitibwa emitala ndibeerayo."

"Mmanyi okukkiriza kwo" Kati wano Tayogera nga bwe Yayogera eri ekkanisa y'omu Perugamo, "onyweza okukkiriza KWANGE." Kati tayogera ku kukkiriza Kwe, wabula Abasemba olw'obwesigwa bwabwe. Nga bw'Akikola era Ayogera ne ku "bugumiikiriza" bwabwe. Kati obwesigwa n'obugumiikiriza

bigendera wamu.

Mu butuufu obugumiikiriza buva mu bwe sigwa, kubanga mu Yakobo 1:3 kigamba,

"Nga mutegeera nti ng'okugezebwa kw'okukkiriza kwammwe kuleeta okugumiikiriza."

Tewali ngeri ndala yonna bugumiikiriza gye buyinza kufunibwamu. Bulina kujja nga buyita mu kugezesebwa kwa kukkiriza kwaffe.

Abarumi 5:3,

"Okubonaabona kuleeta okugumiikiriza."

So Katonda ng'Atwala okukola kw'okugumiikiriza kwaffe ng'ekikulu nga bwe tukiraba mu Yakobo 1:4,

"Era omulimu gw'okugumiikiriza, gutuukirirenga mulyoke mubeere abaatuukirira, abalina byonna, abataweebuuka mu kigambo kyonna."

Katonda ky'Atwagaliza bwe Butuukirivu. Era okutuukirira okwo kwe kugumiikiriza -okulindirira Katonda ng'olindirira ku Iwa Katonda. Eno y'engeri empisa gye zikulamu. Katonda ng'Asiimye nnyo abatukuvu bano Ab'emirembe gy'Ezikizika. Baagumiikiriza ng'endiga ezitwalibwa okusalibwa, ne bawereza Katonda mu kwagala ne mu bwe sigwa. Ebyo byokka bye baayagala okuva mu bulamu, kuweereza buweereza Mukama waabwe. Empeera yaabwe nga yali ya kuba nnene.

"Mmanyi ebikolwa byo eby'oluvannyuma nga bingi okusinga eby'olubereberye."

Ddala kino kisaana okwogerebwako. Ezikizika ky'omu mulembe guno nga bwe kyeyongera; olukalala Iw'abajulizi abaafa olwa Kristo nga bwe Iweyongera okwanvuwa buli lunaku, gye baakoma n'okukola ennyo, gye baakoma n'okuweereza ennyo, era okukkiriza kwabwe ne kweyongera. Nga kyennyamiza okuba nti mu mulembe gwa Efeso okwagala kwakendeera. Era ddala tewali kyogerwa ku kukola mu kwagala okweyongera mu mirembe emirala; naye mu mulembe guno, mu mulembe ogwasingayo okubeeramu ekizikiza, mwe baasinga okumuweereza. Ekyo so nga kya kuyiga. Tewali kuddirira mu buweereza buno obw'okwagala eri Mukama wabula okweyongera obweyongezi. Ekyo ky' ekyama. Omulabe leka agezeeko okulinnya mu buweereza bwaffe eri Mukama — ffe kye tuddamu kiri kimu kuweereza. Abazirika we bakaabira, ky'ekiseera okwogerera waggulu obuwanguzi.

"Mmanyi ebikolwa byo eby'oluvannyuma nga bingi okusinga eby'olubereberye."

Nga bwe twamaze edda okwogera, omulembe guno guyitibwa mulembe gwa kizikiza kubanga ddala ky'ekiseera ekyasinga okubaamu kazigizigi mu byafaayo byonna. Gwe gwali omulembe gwa ppaapa Innocent III eyeyita, "omusigire wa Kristo —ow'obuyinza obusukkulumye ekkanisa n'ensi yonna," eyatandikawo ENKOLA EY'OKUBUUZA AKANA N'AKATAANO (inquisition) era mu biragiro bye yayisanga mu nkola eno omusaayi gwayika nnyo okusinga bwe kyali kibadde mu kiseera ekirala kyonna okuggyako mu kuddaabulula. Gwe mulembe gw'Ebyobuwemu n'Eby'ensonyi, bamalaaya mwe baafugira. Sagarius III yalina omukazi "n'ajjuza kkwaya ya ppaapa abenzi n'abaana ab'obwenzi n'olubiri Iwa ppaapa n'alufuula empuku y'abanyazi." Anastasius III yatugumbulwa Marozia eyali mukazi wa Sagarius. John XI yali mwana wa Marozia ataali wa bufumbo butukuvu. John XII yali muzzukulu wa Marozia era "yakwatanga ba nnamwandum n'embeerera olw'empaka era yattibwa ng'ali mu kikolwa kyennyini eky'obwenzi ng'eyamutta yali omusajja eyali aswakidde era ye yali nannyini mukazi." Gwali mulembe gwa ppaapa Schism kubanga ennyiriri bbiri eza bappaapa (ng'olumu Iwali lufugira mu Avignon n'olulala nga lufugira Rooma) zaakolimiragana era ne zirwanagana. Ba ppaapa bano tebaasobya mu bikolwa bya bwenzi byokka (okuzaala nnamungi w'abaana ab'obwenzi, okukola ebikolwa by'omu Sodoma n'ebirala) naye era baagwa ne mu nsobi y'okutunda ebifo by'obwakabona eri abo abaasinganga okuwaayo emiwendo eminene mu kuvuganya.

Gwe mulembe omusana mwe gwayakira nga gukendeera bukendeezi, so ng'abakkiriza abatono abaaliwo baakola nnyo nga bwe baasobola kyokka ng'ekizikiza kyeyongera bweyongezi okutuusa kumpi ku nkomerero y'omulembe bangi Iwe baasituka ne bagezaako okuddaabulula. Okukola kwabwe, kwali kwa maanyi nnyo ne basobola n'okutemera empenda okuddaabulula okwali kujja mu maaso. N'olw'ekyo ng'Ekigambo bwe kigamba ekikwata ku mulembe ogwo, "ebikolwa byo eby'oluvannyuma (enkomerero y'omulembe) bisinga eby'olubereberye."

Ekigambo, Suwatira, kirina amakulu agatali gamu nga mu ago mwe muli "Ssaddaaka etasalako." Bangi kino bakikkiriza okuba nti bwe bunnabbi obukwata ku mmisa nga kwe kugenda mu maaso mu kuwaayo saddaaka ya Kristo. Ekyo ekirowoozo kiyitirivu obulungi, naye ate kiyinza n'okutegeeza okugenda mu maaso n'okuwaayo obulamu n'emirimu ebikolebwa abakkiriza ba Mukama abatuufu.

Ddala abatukuvu ba Suwatira abo Iwe Iwali olububi Iw'ekibala, nga bajjudde Omwoyo Omutukuvu n'okukkiriza, nga baatondebwa olw'emirimu emirungi, nga balaga ettendo Lye, ng'obulamu bwabwe tebabwebalira ng'eky'omuwendo, wabula nga bawaayo ebyabwe byonna mu ssanyu nga ssaddaaka

empoomu eri Mukama.

Okunenya

Okubikkulirwa 2:20,

"Naye nnina ensoga ku ggwe, kubanga oleka (oganya) omukazi oli Yezeberi, eyeyita nnabi, n'ayigiriza n'akyamya abaddu bange okwendanga, n'okulya ebyaweebwa eri ebifaananyi."

Kaakati, kka wansi ku lunyiriri olwa 23 olabe amazima ag'ekitalo nga bwe gakakasibwa obwedda ge mbadde ndeeta eri okutegeera kwamwe. "Era n'abaana be Ndibatta n'olumbe; ekkanisa zonna ne zitegeera nga Nze Nzuuyo Akebera emmeeme n'emitima." Obwedda bwonna mbagamba nti mazima waliwo ekkanisa bbiri, wadde Mukama Ayogera gye ziri zombi mu buli mulembe mu ngeri eyinza okulowoozesza omuntu nti eri emu. Wano, kitulagibwa mu Iwatu nti waliyo ekkanisa era mu ngeri y'emu kitutegeeza mu Iwatu nti ezimu ku kkanisa ezo mu butuufu obutawakanyizika TEZIMANYI nti Ye, y'Akebera emmeeme n'emitima. Agenda kubakakasa nti bwe kityo bwe kiri. Naye olwo, kaakati kkanisa ki ezitamanyi mazima gano? Awatali kubuusabuusa, ky'ekibiina ky'omuzabbibu ogw'obulimba kubanga abakkiriza abatuufu mazima gennyini bamanyi nti omusango gutandikira mu nnyumba ya Katonda, era bo okuva bwe batya Katonda, beesalira omusango bokka guleme kubasalirwa.

Kati, Iwaki Katonda ekkanisa zino Aziyita kkanisa ze yadde nga gy'emizabbibu eg'yobulimba? Ekituufu ku nsonga eyo kiri nti Bakulisitaayo. Naye si Bakulisitaayo ba Mwoyo. Bakulisitaayo ba mubiri. Beeyitira bwereere erinnya. Makko 7:7, "Naye bansinziza bweerere, nga bayigiriza amateeka g'abantu nga by'eb'yokukwata". Naye mu butuufu Bakulisitaayo ova si ky'ekyo, kiki ekirala kye baalibadde? Owa Muwamadi abeera wa Muwamadi. Eyo y'eddiini ye. Yadde aba yeeyisa atya mu ddiini eyo, esigala nga y'eddiini ye kubanga endowooza ye agyesigamya ku Korani by'eyigiriza.

Mu ngeri y'emu Omukulisitaayo abeera Mukulisitaayo singa aba yeesigamye ku mazima nti Yesu Mwana wa Katonda, Yazaalibwa omukazi atamanyi musajja, Yakomererwa n'Afa era n'Azuukira ate nga era Ye mulokozi w'abantu, n'ebirala ebiri ng'ebyo. (Mu butuufu, mu mulembe gwa Lawodikiya wajja kubeerawo abo abeeyita Abakulisitaayo nga beesigamya okukkiriza kwabwe ku ebyo ebirungi ebyalabikira mu Yesu, naye nga beesigaliza eddembe okumuwakanya nga bw'Ali Katonda. Abakulisitaayo ba Kagezimunno (Christian Scientists) ekyo baakikola dda n'abalala ababuulira Enjiri ey'okusikiriza abantu n'ebintu eby'ensi.) Ayitibwa buyitibwa Mukulisitaayo era ng'ali mu kkanisa. Naye nga si mukkiriza MUTUU FU ova wa Mwoyo. Omukulisitaayo ow'engeri eyo y'oyo eyabatizibwa okuyingira mu mubiri gwa Kristo era nga kitundu ku Ye. Naye era, kiri mu nkola ya Katonda nti enngaano ey'omu nsiko n'enngaano ennungi, zikulira wamu era tezisaana kukuulibwamu. Ekyo kiragiro kya Katonda. Olunaku Iwabwe olw'okusibwa n'okwokeswa lujja; naye terunnaba.

Kale Omwoyo Ayogera eri ekibiina ekitabule. Ku ludda olulala Awaana ate olulala, Ananya. Ayogedde ekituufu ekiri ku mukkiriza. Kati Alabula era ng'Alaga omuzabbibu ogw'obulimba kye guteekwa okukola okusobola okuyimirira mu maaso ga Mukama nga teguliiko kya kunyenezebwa.

Omukazi Oyo Yezeberi

Omutume Yakobo yatulaga emitendera ekibi gye kiyitamu.

Yakobo 1:14-15,

"Naye buli muntu akemebwa, ng'awalulwa okwegomba kwe ye n'asendebwasendebwa.

Okwegomba okwo ne kulyoka kuba olubuto ne kuzaala okwonoona: n'okwonoona okwo, bwe kumala okukula, ne kuzaala okufa."

Kati ekyo ky'ekifaananyi ekyolekera ddala ebiriwo mu mirembe gy'ekkanisa. Ng'ekibi bwe kitatandikira mu kintu kirala okuggyako mu ekyo ekyali munda mu muntu, n'okuwa kw'ekkanisa kwatandikira mu buntu butono, obukolwa obutonotono obwa Banikolayiti. Bwasookera mu bikolwa ne bulyoka bufuuka eby'okuyigiriza. Okuva mu by'okuyigiriza, bwanywegera amaanyi agaali gafuga eggwanga era ne buzaala obukaafiiri. Kati mu mulembe guno, bugendera ddala eri nnabbi waabwo omukazi (omusomesa) era bukyeyongera okutambula okutuusa Iwe bulyesanga mu nnyanja ey'omuliro, kubanga eyo yennyini y'enkomerero yaabwo, mu kufa okwokubiri.

Kati, eddoboozi lya Katonda lyonna eri omulembe guno ogwokuna lisangibwa mu ngeri gye yawemuukirizaamu omukazi ono nnabbi Yezeberi. Okutegeerera ddala ensonga Iwaki yamugaana bw'atyo, tuja kunoonyereza ebyafaayo bye mu Bayibuli era bwe tusanga bye yakola emabega eyo, tuja kumanya ebiriwo ekiseera kino.

Ekisooka era nga kintu kikulu nnyo kye tuyiga ku Yezeberi kiri nti SI muwala wa Ibulayimu, n'okuyingira kwe mu bika bya Yisiraeri tekiali kuyingira kwa mwoyo ng'okwa Luusi omu Mowabu. Nedda ssebo. Omukazi ono, yali muwala wa Esubaali, kabaka we Sidoni (1 Bassekabaka 16:31, eyali kabona wa

Asitati. Entebe yagifuna ng'amaze kutta gwe yaddira mu bigere, Pelesi. Kale tulabirawo nti yali muwala wa mutemu. (Kino, ddala kitujukiza Kayini). N'engeri gye yafuukamu ekitundu ku Isiraeri, teyali ya makubo ga mwoyo Katonda gye Yali Ategekedde ab'amawanga okuyitamu; naye yayingirira mu KUFUMBIRWA Akabu, kabaka w'ebika ekkumi ebya Isiraeri. Kati okwegatta kuno nga bwe tulabye, tekwali kwa mwoyo, kwali kwa bya bufuzi. Bwe kityo omukazi ono eyali atobye n'okusinza ebifaananyi, teyalina kwagala kwa ngeri yonna, okwali kusobola okumufuala omuntu asinza Katonda Omu ow'Amazima, naye wabula yajja n'ebigendererwa ng'amaliridde okukyusa Isiraeri okuva ku Mukama.

Kati Isiraeri (ebika ekkumi) baali bamaze okutegeera ki kye kyali kiteegeza okusinza ennyana eza zaabu, naye baali tebannaba kwewaayo eri okusinza ebifaananyi kubanga Katonda Ye Yali Asinzibwa era n'amateeka ga Musa gaali gakakasa bwe gatyo. Naye okutandikira mu biseera Akabu mwe yawasiza Yezeberi, okusinza ebifaananyi kwakulaakulana ku ddaala erizikiriza. Omukazi ono we yafuukira kabona mu masinzizo ge yazimbira Asitati (Venasi) ne Baali (katonda w'enjuba) awo Isireari we yayingirira mu biseera ebya kazigizigi mu bulamu bwe.

Nga tulina bino mu birowoozo kati tuyinza okutandika okulaba Omwoyo wa Katonda ky'Ayoleka mu Mulembe guno ogwa Suwatira. Kiikino wano.

Akabu yawasa Yezeberi era yakikola ng'akakodyo k'ebi'obufuzi ak'okunyweza obwakabaka bwe awamu n'okububugiriza. Ky'ekyo kyennyini ekkansa kye yakola bwe yafumbirwa Constantine. Bonna beegatta wamu lwa nsonga za bya bufuzi, newankubadde baakirippako endowooza y'omwoyo. Tewali ayinza kunzikirizisa nti Constantine yali Mukulisiaayo. Yali mukaafiiri eyalina obukodyo obwefaananyirizanga obw'ekikulisiaayo. Yasiiga emisaalaba emyeru ku ngabo z'abaserikale be. Ye yatandikawo abakuumi ba Columbus. Yateeka omusaalaba ku kkanisa ya Sofiya omutukuvu olwo akalombolombo ne katandika.

Kyali kirowoozo kya Constantine okuleeta abantu bonna awamu, abakaafiiri, abayitiba obuyitibwa Abakulisiaayo n'Abakulisiaayo abatuufu. Era okumala akabanga kyalabika ng'ekigenda okuyitamu kubanga abakkiriza abatuufu bajja okulaba oba nga kiyinzika okukomyawo abaali baserebye okuva ku Kigambo. Bwe baalaba nga tebasobola kubakomyawo mu mazima, baawalirizibwa okweyawula okuva ku kibiina ekyo eky'ebyobufuzi. Bwe baakikola, baayitiba abaali bawabye era ne bayigganyizibwa.

Leka nngambe wano nti tulina ekintu kye kimu ekyo ekikyakolebwa na kati. Abantu bonna bagenda beegatta. Bali mu kuwandiika Bayibuli eneebeera ennunngamu eri buli omu Omuyudaaya Omukatoliki n'Omupulotesitante. Balina akakiiko kaabwe ak'e Nikyeya naye bo, bakayita akakiiko akagatta amadiini (Ecumenical Council). Era mumanyi ebibiina bino byonna gwe birwanyisa? Birwanyisa Abapentekoote abatuufu. Sitegeesa bibiina byeeyita bya Bapentekoote. Ntegeesa abo Abapentekoote abajuzibwa Omwoyo Omutukuvu era nga balina obubonero n'ebirala mu makkati gaabwe kubanga batambulira mu mazima.

Akabu bwe yawasa Yezeberi olw'ensonga z'ebyobufuzi, yatunda obusika bwe. Weegatte n'ekibiina otunde obusika bwo, ow'Oluganda, oba oyagala okukikkiriza oba nedda. Buli kibiina ky'Abapulotesitante abaali bavuddemu ate ne baddayo, baatunda obusika bwabwe, ate bw'otunda obusika bwo, obeera nga Esawu — oynza okukaaba ne weenenya byonna by'oyagala, naye tekija kukuyamba mu ngeri yonna. Waliwo ekintu kimu kyokka ky'oynza okukola era ky'ekyo nti: "Mukifulumemu, abantu Bange, era mulekere okussa ekimu n'ebibi bye!" Kati bw'olowooza nti ssiri mutuufu, ddamu ekibuuzo kino kimu. Waliwo omuntu yenna omulamu ayinza okuntegeesa kkanisa ki oba nkola ki eya Katonda eyali efunye okudda obuggyia n'eddawo nate oluvannyuma lw'okweyawulamu ekibiina n'efuuka eddiini? Soma ebyafaayo byo. Toyinza kusangayo n'emu — yadde emu.

Bwali budde bwa ttumbi eri Isiraeri bwe yeegatta n'ensi n'erekulira eby'omwoyo okwesogga eby'obufuzi. Gaali matumbi ga budde e Nikyeya ekkansa bwe yakola ekintu kye kimu. Ssaawa ya ttumbi kati ng'amakanisa geegatta.

Kati Akabu bwe yawasa Yezeberi, yamukkiriza okutwaala ssente z'eggwanga n'azimba amasabo amanene abiri erya Asitati n'erya Baali. Eryo eryazimbirwa Baali ddene ekimala Isiraeri yonna okujja okusinzizaamu. Ate Constantine n'ekkanisa, bwe baafumbiriganwa, yawa ekkanisa ebizimbe, n'azimba ebyoto n'ebifaananyi, era n'alunngamya ne mu kutegeka obuyinza obwali butandise okweyleka.

Yezeberi bwe yafuna obuwagizi obw'obuyinza bw'eggwanga, yakakaatika ku bantu eddiini ye n'atta bannabbi ne bakabona ba Katonda. Kyayititira obubi okutuusa Eriya, omubaka ow'omumulembe gwe bwe yallowooza n'okulowooza nti ye yekka eyali asigaddewo; naye Katonda Yalina abalala 7,000 abaali batannavunnamira Baali. Era kaakati eyo mu madiini g'Ababaptist, Abamethodist, Abapresbyterian n'amalala, eriyo abamu abajja okugafulumamu badde eri Katonda. Njagala mutegeere nti sirwanyisa, kati era siringirizangako bantu. Wabula ddiini — enkola y'ebibiina gye mpakanya. Nnina okugiwakanya kubanga Katonda Agikyawa.

Kati, ka tuyimirireko wano katono twejjukize ku bye twazudde ku by'ensinza mu Suwatira.

Nnagambye nti baali basinza Apolo (eyali katonda njuba) awamu ne kabaka. Kati Apolo ono yali ayitibwa 'aziyiza obubi." Yawugulanga obubi okuva mu bantu. Yabawa omukisa era yali katonda yennyini gye bali. Yalina obuvunaanyizibwa obw'okuyigiriza abantu. Yannyonnyola ebikwata ku kusinza, n'obulamu obubaawo oluvannyuma Iw'okufa. Engeri kino gye yakikola, yali ayita mu nnabbi omukazi eyali atuala ng'ayolesebwa ku ntebe ey'amagulu asatu. Owaaye! Okiraba? Wuuno nnabbi omukazi oli ayitibwa Yezeberi ng'ali mu kuyigiriza abantu. N'okuyigiriza kwe kusendasenda abawereera ba Katonda era abaleetera okukola obukaba. Obukaba kitegeesa "Okusinza ebifaananyi." Ago ge makulu gaakyo ag'omwoyo. Kwe kwegatta okumenya amateeka. Okwegatta okwakolebwa Akabu n'okwegatta okwakolebwa Constantine kwali tekukkiriziganya na mateeka. Bombi baakola obukaba mu mwoyo. Buli mukaba, enkomerero ye eri mu nnyanja eyaka n'omuliro. Katonda bwe yagamba.

Kati olwo, okuyigiriza kw'ekereziya y'Abakatoliki (ekkanisa mukazi, ayitibwa mukazi) yeegaana Ekigambo kya Katonda. Ppaapa mu Iwatu nga ye Apolo yennyini ayigirizza abantu mu nkola ey'omulembe ayigiriza abantu okwegatta ku bifaananyi. Ekereziya y'e Rooma kati efusee nnabbi ow'obulimba eri abantu kubanga abantu ebaggyeeko Ekigambo kya Katonda n'ebawa endowooza zaayo ku bintu nga; ebyetaagisa olw'okusonyiyibwa kw'ebibi, biki ebireeta emikisa gya Katonda; era n'abasosodooti batuukidde ddala n'okukyatula nti balina amaanyi si mu bulamu bwokka naye ne mu kufa. Bayigiriza ku bwabwe nti waliwo puligatooli, naye ekkyo toyinza kukisanga mu Kigambo. Bayigiriza nti essaala, mmisa awamu n'ensimbi, bijja kukujja mu puligatooli bikutwale mu ggulu. Endowooza yonna eyeesigamizibwako okuyigiriza kwayo nkyamu. Teyesigamizibwa ku musingi ogw'amazima ogw'okubikkulirwa kwa Katonda mu Kigambo Kye naye yeesigama ku musenyu oguseebengerera, era ne guggwaawo z'enjigiriza enkyamu.

Kati ekkanisa yaviira ddala mu bibiina n'edda mu madiini n'okutuukira ddala mu njigiriza enkyamu. Ekyo bwe kiri. Abakatoliki Abaruumi tebakkiriza nti Katonda Ali mu Kigambo Kye. Nedda ssebo. Singa baali bakkiriza baalyenenezza era ne baddayo gye baava naye bagamba nti Katonda Ali mu Ekereziya Ye. Ekyo kyalibadde kitegeesa nti Bayibuli by'ebayaayo by'Ekereziya y'Abakatoliki. Ekyo si bwe kiri. Laba kye baakola ku kubatiza okw'omu mazzi kwokka. Baakuggyga okuva mu kubatizibwa kw'Elikulisitaayo ne bakufuula okw'ekikaafiri mu mitwe oba mu bitiibwa.

Ka mbabuulire ku ebyo ebyantuukako lumu n'omusosodooti. Omuwala gwe nnali mmaze okubatiza, yakyuka n'afuuka Omukatoliki kale omusosodooti n'ayagala okubaako by'ambuuza ku muwala oyo. Yambuuza kubatiza kwa ngeri ki kwe yali afunye. Ne mmuddamu nti nnamubatiza okubatiza okw'Elikulisitaayo nga y'engeri yokka gye mmanyi. Nnali muziise mu mazzi mu Linnya lya Mukama Yesu Kristo. Omusosodooti yanziramu nti emabegako Ekereziya y'Abakatoliki yakikolanga. Amangu ago nnamubuuza ddi Ekereziya ya Abakatoliki Iwe yakikola kubanga nnasoma ebyafaayo byabwe naye siyinza kukiraba. Yagamba nti kisangibwa mu Bayibuli era Yesu Ye Yatandika Ekereziya y'Abakatoliki. Nnamubuuza oba nga yali alowooza nti Peetero ddala ye yali Ppaapa asooka. Yayogera ng'aggumiza nti Peetero yali. Nnamubuuza oba nga okusinza mu makunngaaniro gaabwe kwali kukulemberwa mu Lulatini balyoke bakakase oba baali batuufu era tebalikyuka. N'anngamba nti ekkyo kituufu. Nnamugamba nti nnali ndowooza nti baali bawabidde wala okuva kw'ebyo bye baolina olubereberye, era nnamugamba nti singa ekereziya y'Abakatoliki ddala yali ekkiririza mu kitabo ky'Ebikolwa by'Abatume olwo nze nnali mukatoliki ow'omulembe omukadde. Yagamba nti Bayibuli bwe buwandiike bwa Eklezia y'Abakatoliki nti era Katonda Ali mu ekereziya. Sakkiriziganya naye kubanga Katonda Ali mu Kigambo Kye.

Leka Katonda Abeere mutuufu naye buli muntu abeere mulimba. Bw'oggyako oba bw'ogattako ku Kitabo kya Katonda Asuubizza nti Alyongerako ku ye ebibonyoobonyo; ku abo abongerako era Aliggyako omugabo gwabwe mu Kitabo ky'Obulamu bwe kabatanda okukitoolako. Okubikkulirwa 22:18, 19.

Leka ndage engeri Ekereziya bw'ekkiriza nti Katonda Ali mu yo so si mu Kigambo Kye. Akatundu kaakano akaggyibwa mu katabo ka Ppaapa John owa 23 akakuuma ebikulu. "Obumanyirivu bwange mu myaka gino esatu nga ndi Ppaapa, 'okuva mu kutya n'okukankana' bwe nnakkiriza obuweereza buno mu buwulize obutaalimu bbala eri ekkyo Mukama ky'Ayagala ekyampeebwa nga kiyita mu kkunngaaniro ettukuvu erya ba Kaliddinaali mu kifo ekyekusifu, mpa obujulizi ku nkola eno ate era eyo nsonga ya lubeerera okuba omwesigwa eri obuweereza obwo; okwesiga Katonda mu ebyo byonna ebikwata ku biriwo, n'obutebenkevu obwa nnamaddala ku by'omu maaso" Ppaapa ono agamba nti Katonda y'Ayogerera mu kkanisa ng'Abikkula by'Ayagala. Kino nga kikyamu. Katonda Ali mu Kigambo Kye era Ayogerera mu Kigambo Kye ng'Abikkula ky'Ayagala. Era yayogera nti yaddira obwesigwa obujuvu n'abuteeka mu kigambo ky'abantu era bw'atyo n'akigondera n'eddeme. Kiwulikika bulungi nnyo naye kikyamu. Kifaanana ng'okukyama okwali mu lusuku Adeni.

Kati ka tudde wano ku Kubikkulirwa 17 tulabe omukazi ono, ekkanisa, atambuliza obulamu bwe ku bunnabbi obutali butuufu mu kifo ky'Ekigambo kya Katonda. Mu lunyiriri olusooka Katonda Amuyita omwenzi omukulu. Lwaki mwenzi? Kubanga ali mu kusinza bifaananyi. Akwatidde abantu mu kifo oba mu kintu kye kimu ekkyo. Kiki ekiwonya abantu okusinza ebifaananyi? Kigambo kya Katonda. Wuuyo atudde ku mazzi amangi ekitegeesa nnamungi w'abantu. Era mazima eteekwa kubeara kkanisa nkyamu kubanga kkanisa ya Katonda — abaliraba (ekkubo) batono.

Weetegereze bw'afaanana mu maaso ga Katonda, si nsonga oba alabika bulungi atya mu maaso g'abantu oba nti kakensa. Atamidde kazambi w'obwenzi bwe. Kati yali atamidde n'omusaayi gw'abajulizi. Nga Yezeberi eyatta bannabbi ne bakabona n'azikiriza abantu ba Katonda abataavunnamira kusinza Baali. Era ky'ekyo kyennyni Ekereziya Enkatolika kye yakola. Batta abo abaagaana okuvunnamira obufuzi bwa ppaapa. Abo abaayagalanga Ekigambo kya Katonda mu kifo ky'ebigambo by'abantu battibwa nga bakozesa engeri enkambwe. Naye ekkanisa eno eyakolera mu kufa yali nfu yo yennyini naye nga tekimanyi. Mu yo temwali bulamu era temwali na buponero bwagigobereranga.

Ebbanga Okwenenya

OKubikkulirwa 2:21,

"*Era nnamuwa ebbanga okwenenya olw'obwenzi bwe n'ateeneny.*"

Omanyi nti ekkanisa eno yali mbi okusinga Akabu? Mumanyi nti yeenenya okumala akabanga era n'atambula n'okwegendereza mu maaso ga Katonda? Toyinza kwogera bw'otyo ku Ekereziya y'Abakatoliki. Nedda ssebo. Teyeenenyangako naye mu mputtu yaayo ezikiriza abo bona abagezaako okugiyamba mu kwenenya. Ebyo byafaayo. Kati Katonda Yeeyongera ng'Ayimusa si babaka abo bokka eri buli mulembe naye ababaka abo yabayimusizanga abayambi ab'ekitalo. Yawa buli mulembe abasajja ab'ekitalo aba Katonda era ne bakola buli kintu okuzza ekkanisa eri Katonda. Katonda awatali kubuusabuusa yagiwa omukisa n'ebbunga okwenenya. Yeenenyaako era n'eraga nti yakikola olw'ebibala byayo? Nedda ssebo. Tekikolangako era terikikola. Ntamiivu. Tekyalina mu yo ngeri yonna egitabaganya na bintu bya Mwoyo.

Kati temutabulwatabulwa era ne mutandika n'okulowooza nti Ekereziya y'e Rooma yeenenya okutirimbulu abatukuvu olw'okuba egezaako okwegatta n'Abapulotesitanti ng'efuula enzikiriza zaayo okuba nti zigendera wamu n'ez'Abapulotesitanti. Teyeetondangako n'omulundi n'ogumu ng'egamba nti yali nkyamu mu kutirimbulu kwayo. Era teyinza n'akamu. Si nsonga k'ewe etya era n'erabika nga yeenyiriza mu kiseera kino, ejja kugugumuka nate ette, kubanga obutemu buli mu mutima gwayo omubi era oguteenena.

Omusango Gw'omukazi Omwenzi Gusaliddwa

Okubikkulirwa 2:22-23,

"*Laba Ndimusuula ku kiriri, n'abo abenda naye mu kubonaabona okungi, bwe bateenenyamu bikolwabye.*"

"*Era n'abaana be Ndibatta n'olumbe; ekkanisa zonna ne zitegeeranga Nze Nzuuyo Akebera emmeeme n'emita: era Ndiwa buli muntu mu mmweng'ebikolwa byammwe bwe biri.*"

Kiki? Omukazi ono alina abaana? Era mwenzi? Oba bwe kityo bwe kiri nti yafuna abaana mu bwenzi, atekwa okwookebwa n'omuliro ng'Ekigambo kya Katonda bwe kigambye. Ekyo kituufu ddala. Eyo y'enkomerero ye kubanga ajja kwokebwa n'omuliro. Enkomerero ye y'ennyanya ey'omuliro. Naye yimirira olowooze ku baana bano okumala akabanga. Omukazi ye yavaamu abaana. Kiriko obukakafu nti omukazi ono yalina abaana abaamuvaamu naye baakola ekintu kye kimu naye kye yakola. Ndaga ekkanisa emu eyava mu kibiina n'etaddayo mabega mu kyo. Tewali n'emu yadde. Abaluther baavaamu ne bakola ekibiina ate ne baddayo era ne leero, bali bumu mu nkola ey'okwegatta. Abamethodist baafuluma ate ne baddirayo ddala. Abapentekoote baafuluma ne baddirayo ddala. Wajja kubaawo okufuluma okulala, era Katonda yeebazibwe abo tebajja kukola kibiina kuddayo kubanga bamanyi amazima. Ekibiina ekyo kye kijja okubeera omugole ow'olunaku lw'enkomerero.

Kati wano kitugambye nti omwenzi ono yalina abaana. Kati baali baana ki? Baali baana bawala, kubanga baali makanisa nga ye bwe yali. Kati wano waliwo ekintu ekisanyusa. Yezeberi ne Akabu baalina omwana ow'obuwala. Omwana ow'obuwala oyo yafumbirwa Yekolaamu mutabani wa Yekosofaati era mu II Bassekabaka 8:18 kigamba nti,

"*Yekolaamu n'atambulira mu makubo ga mukoddomi we (kitaawe wa mukazi we).*"

Yagendera ddala mu kusinza ebifaananyi olw'obufumbo obwo. Yayingiza Yuda eyali etya Katonda era ng'esinza Katonda mu kusinza ebifaananyi. Ky'ekyo kyennyni abaana bano bona ab'obuwala oba ekkanisa kye zikoze, era nga bwe nkyolese gye muli. Batandikira mu mazima ate ne bafumbirwa mu bibiina ne baleka Ekigambo olw'obulombolombo, ebikwate, n'ebirala. Kati leka mbamatize.

Mu Abaebbulaniya 13:7 kigamba,

"*Mugonderanga abo ababafuga, abaababuulira Ekigambo kya Katonda.*"

Kigambo kye kitufuga so si bantu. Kati omusajja nga mufumbo ye mutwe gw'omukazi. Amufuga. Naye ekkanisa mukazi, nayo, era agifuga kye Kigambo. Yesu kye Kigambo. Bw'egaana Ekigambo n'egoberera obufuzi obulala, eba efuse omwenzi. Kati mumpeeyo ekkanisa emu etannaba kulekulira Kigambo

olw'obulombolombo n'ebikwate ebyoleka enzikiriza. Bonna benzi — nga nnyaabwe bw'ali, n'abaana be ab'obuwala bwe bali.

Kibonerezo ki ekiriweebwa omwenzi n'abaana be? Weewaawo kigenda kubeera kya mirundi ebiri. Okusooka yagamba, "Ndi musuula mu kiriri." Okusinziira ku katundu akasembayo ak'olunyiriri 22, kijja kubeera kiriri kya kubonyabonyezebwa, oba okubonaabona okunene. Ky'ekyo kyenyini Yesu kye Yagamba mu Matayo 25:1-13. Waaliwo abawala kkumi abaali batamanyi basaja. Abataano baali bagezi n'abataano baali basiru. Abataano abagezi baalina amafuta (Omwovo Omutukuvu) naye abataano abalala baali tebalina. Oluyoogaano bwe Iwawulirwa, "Laba anaawasa Omugole ajja," abasirusuru abataano awo kwe kudduka banoonye amafuta awo bali abawala abagezi abataano we baagendera ku bugole. Abataano abaasigala ebweru baalekerwa okubonaabona okunene. Kye kijja okubeera ku abo bona abatagenda mu kukwakkulibwa. Kye kijja okubeera ku mwenzi ne bawala be. Ekyokubiri, kitutegeeza nti alibatta n'olumbe oba ng'okuvvuunula kwennyini bwe kugamba nti "Leka battibwe n'okufa". Eno enjogera si ya bulijjo. Tuyinza okugamba, leka omuntu attibwe ng'awanikibwa ku kalabba oba bamuttise amasannyalaze oba engeri endala." Naye kino kigamba, "Leka battibwe n'okufa." Okufa kwennyini kwe kubaviirako okufa kwabwe.

Kati kino njagala mukirabe bulungi, n'olw'ekyo nzija kuddira nate eky'okugeza kyaffe nate eky'omuwala wa Yezeberi okufumbirwa mu nnyumba ya Yuda mu kufa. Ekyo, Balamu naye, kye yakola. Kale Yezeberi yali wano n'obukaafiiri bwe. Yuda wuuyo awo ng'asinza bulungi Katonda. Kale Yezeberi n'afumbiza Yekolaamu muwala we. Ekyo akaseera we kyabeererawo, Yekolaamu n'aleetera abantu okusinza ebifaananyi. Akaseera obufumbo obwo gye bwakolebwamu, y'eyo Yuda gye yafiiramu. Okufa okw'omwovo ne kuyingira. Akaseera Ekereziya y'e Rooma eyasooka gye yafuukiramu ekibiina, mwe yafiira. Akaseera Abaluther ke baafuukiramu ekibiina, okufa kwayingira ne bafa. Abapentekoote ne basembayo emabega nabo ne bakola ekibiina. Omwovo n'Abaleka yadde tebakikkiriza. Yakikola. Obufumbo obwo bwaleeta okufa. Awo ekitangaala eky'aba Oneness of Godhead nakyo ne kijja. Bwe baakola ekibiina nabo ne bafa. Awo omuliro gwa Katonda bwe gwamala okukka ku mugga Ohio mu 1933 okudda obuggyga okw'okuwonya ne kubuna ensi, naye tekwayitira mu kibiina kyonna. Katonda Yafuluma mu bibiina by'Abapentekoote, ebweru waabyo, era by'Agenda okukola gye bujjako nabyo bigenda kubeera bweru wa bibiina. Katonda Tayinza kukozesa bafu. Akozesia BALAMU bokka. Abalamu bano bali bweru wa Babulooni.

Kale olaba, "Kufa" oba "Bibiina" bye byajja, ekkanisa n'efa, oba ka tugambe, okufa kwafuuka omutuuze so nga emabegako OBULAMU bwe bwali bufuga. Nga Kaawa eyasooka bwe yaleeta okufa mu bantu kati n'ebibiina bireese okufa, kubanga ebibiina bizaalibwa ab'imirundi ebiri, Obwanikolayiti n'Obwabalamu obusaasaanyizibwa nnabbi omukazi Yezeberi. Kati Kaawa n'omusota baalyokedda olw'ekibi kyabwe. Naye Adamu n'abayingiramu, ng'amweddiza mangu olwo alyoke (omukazi) awonyezebwe. Naye eddiini ya Setaani eno bw'eriba emaze okutambula olugendo Iwonna mu mirembe (ebiro), tewaliba abiyingiramu kugyeyimirira, ejja kwokebwa n'omusiguze waayo. Kubanga omwenzi n'abaana be n'omuwakanya wa Kristo awamu ne Setaani, bona balisanga ebifo byabwe mu nnyanja eyaka n'omuliro.

Wano nngenda kugendako mu maasoera oba oli awo kino nnaalikiterekedde obubaka obw'omulembe ogusembayo, nayekirabika nga kituufu okukiteekamu kati kubanga kikoonera ddala bulungi kubibiina n'ebyo ebigena okubikolerwamu. Era njagala okubalabula.

Kubikkulirwa 13:1-18,

"Ne guyimirira ku musenyu gw'ennyanja. Ne ndaba ensolo ng'eva mu nnyanja, erina amayembe kkumi n'emite musanvu, ne ku mayembe gaayonga kuliko engule kkumi, ne ku mitwe gyayo amannya ag'obuvvoozi.

N'ensolo gyennalaba yali efaanana ng'engo, n'ebigere byayo ng'ebi'eddubu, n'akamwa kaayong'akamwa k'empologoma: n'ogusota gwe gwagiwa amaanyi gaayo, n'entebe yaayoey'obwakabaka n'obuyinza obungi.

Ne ndaba omutwe gumu ku mitwe gyayo ngagufumitiddwa okufa; n'ekiwundu eky'okufa ne kiwona: n'ensi zonna ne zigobereraensolo eyo nga zeewuunya; ne basinza ogusota kubanga gwawa ensolo obuyinzabwayo, ne basinza ensolo, nga boogera nti ani afaanana ng'ensolo?

Era ani ayinza okulwana n'ensolo? N'eweewba akamwa akoogera ebikulu n'obuvvoozi; n'eweewbaobuyinza okumala emyezi amakumi ana mu ebiri.

N'eyasamya akamwa kaayo okuvvoola Katonda okuvvoola Erinnya Lye, n'Eweema Ye, n'abatuula mu ggulu.

N'eweewbaokulwana n'abatukuvu, n'okubawangula; n'eweewba obuyinza ku buli kika n'abantun'olulimi n'eggwanga.

Era bona abatuula mu nsi baligisinza; buliatawandiikiddwa linnya lye mu Kitabo eky'Obulamu

eky'Omwana gw'Endiga eyattibwaokuva ku kutondebwa kw'ensi.

Omuntu yenna alina okutu awulire.

Omuntu yennabw'ayagala okunyaga, anyagibwa: omuntu yenna bw'atta n'ekitala, kimugwaniranaye okuttibwa n'ekitala. Awo we wali okugumiikiriza n'okukkiriza kw'abatukuvu.

Ne ndaba ensolo endala ng'eva mu nsi; era yalina amayembe abiri agafaananang'ag'omwana gw'endiga, n'eyogera ng'ogusota.

N'ekoza obuyinza bwonna obw'ensoloey'olubereberye mu maaso gaayo. N'esinzisa ensi n'abatuulamu ensoloey'olubereberye, eyawona ekiwundu eky'okufa.

N'ekola obubonero bunene, eraokussa omuliro okuva mu ggulu ku nsi mu maaso g'abantu.

N'erimba abatuula kinsi olw'obubonero bwe yaweebwa okukola mu maaso g'ensolo; ng'egamba abatuula kinsi, okukolera ensolo ekifaananyi, erina ekiwundu eky'ekitala n'eba nnamu.

N'eweewbwa okuwa ekifaananyi eky'ensolo okussa omukka, ekifaananyi eky'ensolokiryoke kyogere, era kisse bona abatasinza kifaananyi kya nsolo.

N'ewalirizabonna, abato n'abakulu, n'abagagga n'abaavu, n'ab'eddemebe n'abaddu okuweebwaenkova ku mukono gwabwe ogwa ddyo oba ku byenyi byabwe;

era omuntu yenna aleme okuyinza okugula newankubadde okutunda, wabula oyo amaze okuteebwako akabonero, erinnya ly'ensolo oba omuwendo gw'erinnya lyayo.

Awo we wali amagezi. Alinaokutegeera abalirire omuwendo gw'ensolo, kubanga gwe muwendo gw'omuntu:n'omuwendo gwayo Lukaaga mu nkaaga mu mukaaga."

Essuula eno eraga amaanyi g'Ekereziya y'Abakatoliki b'e Rooma n'ebyo by'egenda okukola ng'eyita mu bibiina. Jjukira nti guno gwe muzabbibu ogutali mutuufu. Leka yeeyite Erinnya Iya Mukama, naye ekikola mu bulimba. Obukulembeze bwayo si bwa Mukama; naye ekikola mu bulimba bwa Setaani. Ku nkomerero ya byonna, ebalirwa wamu n'ensolo. Omwenzi atudde ku nsolo emmyufu ayolekera ddala nti amaanyi ge ye katonda akozesu eryanyi (Setaani) atali Katonda waffe, Mukama Yesu Kristo.

Mu lunyiriri olwe 17, kiraga nga kiggumiza nti ajja kutwala obuyinza bwonna ku by'amagazi mu nsi, era omuntu yenna aleme okuyinza okugula newankubadde okutunda. Kino kiva mu Okubikkulirwa 18:9-17 ekiraga enkolagana ye ne bakabaka, abalangira, n'abatunzi, abakolagana ne Rooma n'ebyamagazi.

Mu Okubikkulirwa 13:14, tuyiga nti ensolo esaasaanya amaanyi gaayo ag'okulungamya ng'ekozesa ekifaananyi ekyagizimbirwa. Ekifaananyi ekikolebwa ke kakiiko k'ensi yonna akagatta amadiini, ebibiina byonna bijja kukunngaanira omwo n'abakatoliki b'e Rooma (bakikola ne kaakati). Kisobokera ddala nti balyegatta n'ekigendererwa ky'okuziyiza amaanyi ga Naakalyako-ani (Communism). Naye okuva Nnaakalyako-ani bw'ayimusiddwa nga Nebukadduneeza okwokya omubiri gw'omwenzi, Rooma eriwangulwa era n'ezikirizibwa. Mulabe nti buli kkanisa ya Rooma we yagenda, Nnakalyako-ani yagoberera. Kirina okubeera bwe kityo. Era leka mbalabule kaakati, temulowoozanga nti Naakalyako-ani ye mulabe wammwe yekka. Nedda ssebo. N'ekereziya y'Abakatoliki nayo, era esinga nawo.

Kati leka tusome Okubikkulirwa 13:1-4, tukigeraageranye ne Okubikkulirwa 12:1-5. Okubikkulirwa 13:1-4,

"Ne guyimirira ku musenu gw'enyanja. Ne ndaba ensolo ng'eva mu nnyanja, erina amayembe kkumi n'emite we musanvu, ne ku mayembe gaayo nga kuliko engule kkumi, ne ku mitwe gyayo amannya ag'obuvvozi.

N'ensolo gye nnalaba yali efaanana ng'engo, n'ebigere byayo ng'ebya ddubu, n'akamwa kaayo ng'akamwa k'empologoma; n'ogusota gwe gwagiwa amaanyi gaayo, n'entebe yaayo ey'obwakabaka, n'obuyinza obungi.

Ne ndaba omutwe gumu ku mitwe gyayo nga gufumitiddwa okufa: n'ekiwundu eky'okufa ne kiwona: n'ensi zonna ne zigoberera ensolo eyo nga zeewuunya; ne basinza ogusota; kubanga gwawa ensolo obuyinza bwayo, ne basinza ensolo, nga boogera nti ani afaanana ng'erasolo? Era ani ayinza okulwana nayo?"

Okubikkulirwa 12:1-5,

"N'akabonero akanene ne kalabika mu ggulu; omukazi ng'ayambadde enjuba, n'omwezi nga guli wansi w'ebigere bye ne ku mutwe gwe nga kuliko engule ey'emmunyeenye kkumi na bbiri;

era ng'ali lubuto; n'akaaba ng'alumwa era ng'abalagalwa okuzaala.

Ne walabika akabonero akalala, mu ggulu, era, laba, ogusota ogumyuufu ogunene, ogulina emitwe omusanvu n'amayembe kkumi, ne ku mutwe gwagwo engule musanvu.

N'omukira gwagwo ne guwalula ekitundu ekyokusatu ekyemmunnyeenye ez'omu ggulu, ne guzisuula ku nsi, ogusoota ne guyimirira mu maaso g'omukazi, eyali agenda okuzaala, bw'alizaala gulyoke gulire ddala omwana we.

N'azaala omwana ow'obulenzi, agenda okufuga amawanga gonna, n'omuggo ogw'ekyuma; n'omwana we n'akwakkulibwa n'atwalibwa eri Katonda, n'eri entebe ye ey'obwakabaka."

Setaani n'eddiini ye enkafiiri byombi biri mu nsolo zino. Mu Okubikkulirwa 14, ensolo efumitiddwa okufa n'eba ennamu nate bwe bufuzi bwa Rooma enfuzi yamatwale eyabetentebwa abagwira abaali bamanyiddwa nga ba Barians, olwo amaanyi gaayo ag'akaseera ne gakoma. Naye yageddiza mu Rooma ya ppaapa. Mukiraba? Eggwanga eryafuga nga limenzaamenya bona era eryafuuka obwakabaka obwali bukyasingidde ddala obunene, ku nkomerero ya byonna, lyafumitibwa ne lifa. Amaanyi gaalyo gaali galiwedde nga terikyasobola kufugisa magye n'ebirala. Naye nga liri wansi wa Costantine, lyaddamu nate obulamu, kubanga Rooma ya bappaapa emaze okusensera ensi yonna era n'obuyinza bwayo tebuwakanyizibwa. Ekozesha bakabaka n'abasuubuzi era mu maanyi gaayo ag'ebi'eddiini ne mu by'ensimbi, yeefuga nga katonda omukazi mu mulembe guno. Eyo yennyini, gwe gusota ogwali guyimiredde nga gulinda okulya omwana ow'obulenzi. Kerode yagezaako okutta Mukama Yesu n'alemwa. Oluvannyuma, Yesu n'akomererwa abaserikale Abaruumi, naye kati Yatwalibwa ku ntebe y'obwakabaka.

Nga ngasseeko ne bye nnaakamala okwogera, mujjukire okwolesewa kwa Danyeri. Ekitundu ekyali kisembayo ku kifaananyi amaanyi g'ensi agaali gasembayo gaali mu bigere. Kyali kyuma na bbumba. Ekyuma, bwe bwakabaka bw'Abaruumi. Naye kaakati tekikyali kyuma kyekutte. Mutabikiddwamu ebbumba. Ate nga gyekiri era kikulembera ebiri mu nsi mu mawanga agalina eddembe ly'okwesalirawo n'agatalina. Ekkanisa ey'Ekiruumi eri mu buli ggwanga. Yeetabisetabise mu gonna.

Leka mbaweeyo akantu katono ku kyuma n'ebbumba. Mujjukire Khrushchev bwe yakuba engatto ye ku mmeeza ku kitebe ky'amawanga amagatte (UN)? Kale, yaliyo amawanga ataano ag'ebuvanjuba n'amalala ataano ag'ebugwanjuba. Khrushchev yayogerera ag'ebuvanjuba ate ye President Eisenhower n'ayogerera ag'ebugwanjuba. Mu lulimi olu Russia, Khrushchev kitegeezza bbumba ate Eisenhower kitegeezza kyuma. Be bakulembeze ababiri abasinga obukulu mu nsi, by'ebigere ebibiri ebisajja ku bigere eby'ekyuma n'ebbumba, baali baliraanaganye. Tuli mu nkomerero ya byonna.

Mu lunyiriri olwokuna 4, kibuza,

"*Ani ayinza okulwana n'ensolo?"*

Ne kaakati eriyo amannya ag'ekitiibwa mu nsi. Eriyo amawanga ag'amaanyi, naye kati Rooma y'eri mu buyinza. Ppaapa atudde mu ntebe y'omuvuzi. Era n'amaanyi ge gagenda kweyongera. Tewali ayinza kumulwanyisa.

Olunyiriri lwo 6,

"*N'eyasamya akamwa kaayo okuvvoola."*

(Nga bayigiriza amateeka g'abantu nga bye by'okukwata; abakakanyavu, abeegulumiza, abaagala essanyu, nga balina ekifaananyi ky'okutya Katonda, naye nga beegaana amaanyi gaakwo.) Yavvoola Erinnya lya —ng'akyusa Erinnya eryo mu bitiibwa era n'agaana okukikola ekyo kye yandibadde akola.

Olunyiriri olwo 7,

"*N'eewebwa okulwana n'abatukuvu."*

Okuyigganyizibwa— Okufa eri omukkiriza omutuufu era byonna mu Linnya lya Mukama erinnya lya Katonda lisobole okuvvoolebwa, era nga bwe kiri mu Russia, olw'ebyo eddiini y'Abakatoliki bye yakolayo."

Olunyiriri olwo 8,

"*Era bona abatuula mu nsi (buli ataawandiikibwa linnya lye mu kitabo ky'obulamu eky'Omwana gw'endiga eyattibwa okuva ku kutondebwa kw'ensi) baligisinha.*"

Katonda Yeebazibwe endiga tezirimusinza. Bonna balirimbibwa, okuggyako abalonde. Naye tebalirimbibwa. Kubanga bawulira eddoboozi ly'omusumba ne bamugoberera.

Kati laba kino, kye tubadde tugezaako okubalaga. Ensigo eno ey'okufa eyatandikira mu mulembe ogusooka — ensigo eno ey'ebibiina, ku nkomerero ya byonna ekuze n'efuuka omuti buli nnyonyi embi mwesula. Yadde yo yeeyogerako nti y'engabi y'obulamu naye y'engabi y'okufa. Ebibala byayo KUFA. Abo abagiryako bafu. Eno enkola lugogoma ey'ekkanisa mu nsi yonna eyo erimba ensi nti mu yo mwe muli obulokozi bw'omubiri n'omwoyo erimba era n'ezikiriza abantu nkuyanja. Si kufa kwokka nti kwe

kwagisuubizibwa, naye ekintu kino ekifu ekyetisse okufa kijja kuttibwa n'okufa era nga y'ennyanya eyaka n'omuliro. Oh, singa abantu bategeera enkomerero yaabwe bw'eriba nga bagisigaddemu "Mukifulumemu, lwaki mulifa?"

Okulabula Okusembayo

Okubikkulirwa 2:23,

"Era n'abaana be Ndibatta n'olumbe, ekkanisa zonna ne zitegeera nga Nze Nzuyyo Akebera emmeeme n'emmitima: era Ndiwa buli muntu mu mmwe ng'ebikolwa byammwe bwe biri."

Katonda Atunuulira mutima. Ekyo tekikyukanga. Era tekirikyuka. Wano, nga bwe kiri mu mirembe gyonna, waliwo ebibinja bibiri, nga byombi birangirirwa okwolesebwa kwabyo okuva eri Katonda awamu n'oluganda lwe balina ne Katonda.

"Naye omusingi gwa Katonda omugumu gubeerawo, nga gulina akabonero kano nti Mukama waffe Amanyi ababe".

2 Timoseewo 2:19,

"Mukama Akebera emmeeme."

Ekigambo 'okukebera' kitegeeza 'Okulondoola' oba 'okugoberera' nga 'weetegereza'. Katonda Alondoola ebirowoozo byaffe (okufumiitiriza kw'omu mmeeme); Amanyi ebiri mu mitima gyaffe. Olaba emirimu gyaffe ng'egyo gye giragira ddala biki ebiri munda mu ffe. Mu mutima mwe muva obutali butuukirivu ebigendererwa byaffe, ebiruubirirwa — byonna bimanyiddwa Ye nga bw'Atunuulira buli kikolwa. Era buli kikolwa, buli kigambo, birireetebwa mu musango nga tubalirirwa ebyali mu bulamu bwaffe. Tewaaliwo kutya Katonda mu maaso g'omuzabbibu ogutali mutuufu era omusango gw'ekyo tegwogerekka. Leka abayitibwa Erinnya Lye beeyise nga bwe kisaanira abatukuvu. Tuyinza okusiruwaza abantu naye tetuyinza kusiruwaza Mukama.

Ekisuubizo Mu Nnaku Ezo Ez'ekizikiza

Okubikkulirwa 2:24-25,

"Naye mmwe Mbagamba, abaasigalawo ab'omu Suwatira, bona abatalina kuyigiriza kuno, abatamanyi bya buziba bya Setaani, nga bwe boogra; Sibateekako mmwe mugugu mulala.

"Wabula kye mulina mukikwatenga, okutuusa lwe Ndija."

Kati nga tetunnagenda mu kisuubizo leka ndage nate nti ekkanisa nga bw'eyogerebwako Omwoyo Omutukuvu mu kitabo kino, erina emizabbibu ebiri nga amatabi gaayo, gaagombaganaga.

"Naye nngamba mmwe, abasigaddewo ab'omu Suwatira, bona abatalina kuyigiriza kuno."

Ky'ekyo. Ayogera eri ebibinja bibiri. Ekimu kirina enjigiriza ekirala tekirina. Baabo, basaasaanidde mu mawanga nga buli omu okuyiga kwe kuwakanya okw'omulala. Omu wa Katonda, ng'amanyi obuziba bwa Katonda n'omulala wa Setaani nga naye amanyi obuziba bwa Setaani.

"Sibateekako mmwe mugugu mulala."

Ekigambo ekikozesebwa okutegeeza omugugu kiri buzito oba okunyigirizibwa. Okunyigirizibwa kw'omu mulembe gw'ekizikiza kwali nti; weewete si ekyo omenyebwe. Vvunnamo obasi ekyo ottibwe. Kwali kubuuuzibwa akana n'akataano (okwekebejjebwa), obuyinza bw'obwakabaka nga buwagira ensinza ya Setaani. Mukole ebibiina oba si ekyo, omutango ogusasula na bulamu bwo. Buli mulembe gwalina ebigunyigiriza. Eky'okulabirako, omugugu omunene ogw'omulembe ogusembayo, kwe kunyigirizibwa kw'obugagga, obulamu obwangu n'obunkenke obw'okutya mu mulembe omukakanyavu gwe tutasaanira kubereramu. Omulembe guno ogwokuna gulabika nti gwalina omugugu gwa Iwatu. Gwali kujeemera Rooma, okuyimirira olw'Ekigambo n'okutuusa okufa.

"Tebannamanya bya buziba bya Setaani."

Kirabika ng'olunyiriri luno aboogezi baalulekayo kubanga baali tebasobola kunnyonnyola makulu ga njigiriza zino n'ebiyaliwo enjogera eno bye yali etegeeza. Ddala kyangu okumanya ebigambo bino kye bitegeeza. Ka tusooke tutegeere obuziba bwa Katonda kye buli, n'ekikontana n'ekyo kye kijja okuba ekituufu eri obuziba bwa Setaani.

Mu Abaefeso 3:16-19,

"Abawe mmwe, ng'obugagga bw'ekitibwa Kye bwe buli, okunywezebwa n'amaanyi mu Mwoyo we mu muntu ow'omu nda;

Kristo Atuulenga mu mitima gyammwe olw'okukkiriza; mubeerenga n'emmizi munywezebwenga mu kwagala,

mulyoke muweebwe amaanyi okukwatanga n'amagezi awamu n'abatukuvu bona obugazi n'obuwantu n'obugulumivu n'okugenda wansi bwe biri,

n'okutegeera okwagala kwa Kristo okusinga okutegeerwa, mulyoke mutuukirire okutusa okutuukirira kwonna okwa Katonda".

Kati okusinziira ku nnyiriri zino, omuntu mu bulamu bwe, bw'ayita mu buziba bwa Katonda, oyo ye mutu yennyini alina obumanyirivu obwa nnamaddala obw'obuziba bwa Katonda mu Ye obw'Omwoyo wa Katonda Atuula mu ye, era omutima gwe gumulisibwa amagezi n'okumanya kwa Katonda nga biyita mu Kigambo. Naye obuziba bwa Setaani bujja kuba nti ajja kugezaako kino okukizikiriza. Nga bulijjo ajja kugezaako mu kintu kya Katonda kino ekya nnamaddala ateekeko ekintu ekirala. Alikikola atya? Aliggyawo okumanya okw'amazima ga Katonda — azikirize Ekigambo ng'ateekawo ebibye, "Bw'Atyo bwe Yayogera Katonda?" Olwo alyoke ateekeko ekirala mu kifo kya Kristo mu mitima gyaffe. Ajja kukikola, nga bwe yakozesa Israeri ekintu kye kimu; omuntu ng'afuga nga kabaka mu kifo kya Katonda. Ekikubagizo ky'okuzaalibwa omulundi ogwokubiri kigenda kugaanibwa ku lw'obulungi bw'okwegatta ku kkanisa. Obuziba bwa Setaani bwali buyingiddwamu mu mulembe ogwo. Era ekibala ky'obuziba bwa Setaani obwo nga bwe bulimba, obutemu n'emisango egya nnaggomola bye byavaamu.

Empeera

Okubikkulirwa 2:26-29,

"Era awangula n'akwatanga ebikolwa Byange okutuusa ku nkomerero, oyo Ndimuwa amaanyi ku mawanga:

era alibalunda n'omuggo gw'ekyuma ng'ebibya ebibumbe bwe byatikayatika; era Nange nga bwe Nnaweebwa Kitange:

era Ndimuwa emmunyeenyey ey'enkyo.

Alina okutu awulire Omwoyo ky'Agamba amakanisa."

"Awangula n'akwata ebikolwa Byange okutuusa ku nkomerero".

Kyeragira ddala bulungi okuva mu bigambo by'Omwoyo nti Mukama Agezaako ababe okubalaga endowooza Ye ku bikolwa eby'obutuukirivu. Emirundi ena Ayogera ku bikolwa. Era kati Agamba, nti oyo agenda mu maaso n'okukola emirimu Gye mu bwesigwa okutuusa ku nkomerero wa kuweebwa obuyinza ku mawanga, era alibeera w'amaanyi, musobozi, omufuzi atamenyeka asobola okugumira embeera yonna n'amaanyi, wadde omulabe asembayo okuba ow'ekitalo wa kumenyebwa bwe kiba kyetaagisa. Okwoleka obufuzi bwe mu maanyi kulifaananira ddala nga okw'Omwana we. Kino kyewuunyisa nnyo.

Naye leka tulabe ekisubizo kye nga tukirabira mu musana okusinziira ku mulembe. Rooma ey'amaanyi ng'ewagirwa eggwanga, ewa emirimu bakabaka, amagye n'ababaga amateeka, emenya era n'emulungula abo bona abagibeera mu maaso. Esse obukadde era erina enjala y'okutta obukadde obulala obw'abo abatajja kugivunnamira. Amala gateekawo bakabaka oba okubasuula buli lw'aba asobodde. Ddala, okwyingiza kwe mu bitamukwatako kwe kuleetedde amawanga okugwa kubanga amaliridde okusaanyaawo abalonde ba Katonda. Emirimu gye gy'emirimu gya Setaani kubanga atemula era alimba nga ye Setaani bw'akola. Naye olunaku lujja Mukama lw'Aligamba, "Muleete abalabe Bange bano mu maaso gange mubasale". Olwo abatuukirivu ba Mukama balibeera ne Mukama waabwe ekiruyi Kye ekituukirivu nga kiyiika ku bavvoozi. Abatuukirivu nga bajja na Ye mu kitibwa, balizikiriza abo abazikiriza ensi era abayigganya abatukuvu ba Katonda. Guno gwe gwali omulembe gw'okukyusa ettama, ogw'ennaku empitirivu; naye olunaku lujja amazima lwe galwangula era ani aliyimirira mu muliro gwago n'abeerawo? Abo bokka abaanunulwa Mukama.

"Era ndimuwa emmunyeenyey ey'enkyo."

Okusinziira ku Okubikkulirwa 22:16, ne 2 Peetero 1:19, Yesu y'Emmunyeenyey y'enkyo.

"Nze kikolo era omuzzukulu wa Dawudi, emmunyeenyey eyaka ey'enkyo."

"Okutuusa obudde bwe bulikya emmunyeenyey ekeesa obudde n'eyaka mu mitima gyammwe."

N'olw'ekyo Omwoyo, Akola ekisuubizo eri abalonde b'omu mirembe gy'ekizikiza ku lwlwe ate olwo n'Astuubiza n'emirembe egy'omu maaso.

Nga bwe twamaze edda okwogera Yesu yeebalira wamu n'ababaka aba buli mulembe. Bafuna okuva ku Ye okubikkulirwa ku Kigambo ekya buli kiseera. Okubikkulirwa kuno okw'Ekigambo kuleeta abalonde ba Katonda okuva mu nsi okwegattira ddala ne Kristo. Ababaka bano bayitibwa mmunyeenyey kubanga

bamasamasa n'ekitangaala ekyeyazike oba ekimyanso ky'Omwana, Oyo Yesu. Era bayitibwa mmunyeenye kubanga "bawaniridde omusana" ekiro. Kale mu nzikiza ey'ekibi, baleeta omusana gwa Katonda eri abantu Be.

Gino gy'emirembe gy'enzikiza. Gya kizikiza okusingira ddala kubanga Ekigambo kya Mukama kumpi kyonna kikwekedwa okuva ku bantu. Okumanya ebikwata ku Oyo Ali Waggulu Ennyo kyenkana kuwedde. Okufa kuwangudde nnamungi w'abakkiriza okutuusa amadaala gaabwe Iwe gasaanyiziddwawo. Okutuusa kaakati ebintu bya Katonda bisse nnyo wansi, era kyalabika nti Setaani ddala yali wa kuwamba abantu ba Katonda.

Oba nga waali wabaddewo abantu abaali beetaaze ekisuubizo nga kikwata ku nsi omutali kiro, abo be baali abantu ab'omu mulembe gw'enzikiza. Era eyo y'ensonga Iwaki Omwoyo Abasuubiza emmunyeenye eyaka enky. Abagamba nti Emunyeenye eyo Enkulu, Oyo Yesu, Atuula mu Musana ogutasoboka kutuukirirwa muntu yenna era mu bwakabaka obujja mu maaso Alibamulisa Ye yennyini n'okubeerawo Kwe. Aliba takyakozesa mmunyeenye (ababaka) okuwa ekitangaala mu kizikiza nate, Aliba Ye Yesu, ng'Ayogera nabo maaso ku maaso ng'Agabana nabo obwakabaka Bwe.

Emmunyeenye ey'oku nkya yeerabika ng'omusana gugenda kutandika okwaka. Enjuba yaffe bw'Alijja (Yesu), waliba nate tewakyali bwetaavu bwa babaka; Ye Mwene Alituleetera obubaka Bwe okwesanyusa Ye; ng'Afuga obwakabaka Bwe, era nga naffe tubeera waali, omusana ogw'Ekigambo gugenda kweyongera okwakaayakana mu lunaku Iwaffe nga lutuukiridde.

Ye ate ekirala kye twagala kiki okusinga ku Yesu Yennyini? Si Ye byonna mu byonna, era Ye Byonna ebituukiridde?

Alina okutu awulire Omwoyo ky'Agamba amakanisa. Amiina. Era bwe kityo, Mukama Katonda, okuyita mu Mwoyo wo ka tuwulire amazima Go.



Sermons By
William Marrion Branham
 "... in the days of the voice ..." Rev. 10:7